


唐書





汲古本  
新唐書  
陸氏伯贈  
里校  
四十四本

進新唐書表



蘇州府志

卷之...

...

臣公亮言竊惟唐有天下幾三百年其君臣行事之始終所以治  
 亂興衰之蹟與其典章制度之英宜其粲然著在簡冊而紀次無  
 法詳略失中文采不明事實零落蓋又百有五十年然後得以發  
 揮幽沫補緝闕亡黜正偽繆克備一家之史以為萬世之傳成之  
 至難理若有待臣公亮誠惶誠恐頓首頓首伏惟  
 體天法道欽文聰武聖神孝德皇帝陛下有虞舜之智而好問  
 躬大禹之聖而克勤天下和平民物安樂而猶  
 垂心積精以求治要日與鴻生舊學

講誦六經

考覽前古以謂商周以來為國長久惟漢與唐而不幸接乎五代  
 衰世之士氣力卑弱言淺意陋不足以起其文而使明君賢臣雋

聰明

作漢

英明

功偉烈與夫昏虐賊亂禍根罪首皆不得暴其善惡以動人耳目誠不可以垂勸戒示久遠甚可歎也乃因邇臣之有言適契

上心之所聞於是刊脩官翰林學士兼龍圖閣學士給事中知制誥臣歐陽脩端明殿學士兼翰林侍讀學士龍圖閣學士尚書吏部侍郎臣宋祁與編脩官禮部郎中知制誥臣范鎮刑部郎中知制誥臣王疇太常博士集賢校理臣宋敏求祕書丞臣呂夏卿著作佐郎臣劉義叟等竝膺儒學之選悉發祕府之藏俾之討論共加刪定凡十有七年成二百二十五卷其事則增於前其文則省於舊至於各篇著目有革有因立傳紀實或增或損義類凡例皆有據依纖悉綱條具載別錄臣公亮典司事領徒費日月誠不足以成大典稱

明詔無任慙懼戰汗屏營之至臣公亮誠惶誠懼頓首頓首謹言  
嘉祐五年六月 日提舉編脩推忠佐理功臣正奉大夫尚書禮

部侍郎參知政事臣曾公亮上表

唐書目錄

本紀十卷

志五十卷

表十五卷

列傳一百五十卷

本紀

第一卷

高祖皇帝

第二卷

太宗皇帝

第三卷

高宗皇帝



第四卷

則天順聖武皇后

中宗皇帝

第五卷

睿宗皇帝

玄宗皇帝

第六卷

肅宗皇帝

代宗皇帝

第七卷

德宗皇帝

順宗皇帝

憲宗皇帝

第八卷

穆宗皇帝

敬宗皇帝

文宗皇帝

武宗皇帝

宣宗皇帝

第九卷

懿宗皇帝

僖宗皇帝

第十卷

昭宗皇帝

哀皇帝

志

第一卷

禮樂一

第二卷

禮樂二

第三卷

禮樂三

第四卷

禮樂四

第五卷

禮樂五

第六卷

禮樂六

第七卷

禮樂七

第八卷

禮樂八

第九卷

禮樂九

第十卷

禮樂十

第十一卷

禮樂十一

第十二卷

禮樂十一

第十三卷上

儀衛上

第十三卷下

儀衛下

第十四卷

車服

第十五卷

曆一

第十六卷

曆二

第十七卷上

曆三上

第十七卷下

曆三下

第十八卷上

曆四上

第十八卷下

曆四下

第十九卷

曆五

第二十卷上

曆六上



第二十卷下

曆六下

第二十一卷

天文一

第二十二卷

天文二

第二十三卷

天文三

第二十四卷

五行一

第二十五卷

五行二

第二十六卷

五行三

第二十七卷

地理一

第二十八卷

地理二

第二十九卷

地理三

第三十卷

地理四

第三十一卷

地理五

第三十二卷

地理六

第三十三卷上

地理七上

第三十三卷下

地理七下

第三十四卷

選舉上

第三十五卷

選舉下

第三十六卷

百官一

第三十七卷

百官二

第三十八卷

百官三

第三十九卷上

百官四上

第三十九卷下

百官四下

第四十卷

兵三卷

第四十一卷

食貨一

第四十二卷

第四食貨二

第四十三卷

第四食貨三

第四十四卷

第四食貨四

第四十五卷

第四食貨五

第四十六卷

刑法

第四十七卷

藝文一

第四十八卷

藝文二

第四十九卷

藝文三

第五十卷

藝文四

表

第一卷

宰相上

第二卷

宰相中

第三卷

第三卷宰相下

第四卷

第五卷

第六卷

第七卷

第八卷

第九卷

第十卷

第十一卷

第十二卷

宰相下

宰相中

宰相上

宰相中

宰相下

宰相上

宰相中

宰相下

宰相上

宰相中

宰相下

宰相上

宰相中

宰相下

宰相上

宰相中

宰相下

宰相上

宰相中

宰相下

宰相上

宰相中

宰相下

宰相上

宰相世系二中

第十二卷下

宰相世系二下

第十三卷上

宰相世系三上

第十三卷下

宰相世系三下

第十四卷上

宰相世系四上

第十四卷下

宰相世系四下

第十五卷上

宰相世系五上

第十五卷下

宰相世系五下

列傳

第一卷

后妃上

太穆寶皇后

徐賢妃

則天武皇后

韋皇后

上官昭容

昭成寶皇后

貞順武皇后

文德長孫皇后

王皇后

和思趙皇后

肅明劉皇后

王皇后

元獻楊皇后

楊貴妃

第二卷

后妃下

張皇后

章敬吳皇后

貞懿獨孤皇后

睿真沈皇后

昭德王皇后 韋賢妃

莊憲王皇后

懿安郭太后

孝明鄭太后

恭僖王太后

貞獻蕭太后

宣懿韋太后 尚恭宋若昭

郭貴妃

王賢妃

元昭晁太后

惠安王太后

郭淑妃

恭憲王太后

何皇后

第三卷

宗室

江夏王道宗 廣寧縣公道興

永安王季基 涵

淮陽王道玄 漢

長平王叔良 郟國公季協 彭國公思訓 新興郡王晉

長樂王幼良

襄武王琛

河間王季恭 晦

漢陽王瓌

廬江王瑗

淮安王神通 膠東王道彥 高 說

隴西公博叉 梁郡公季逸 國貞 齊物 復

襄邑王神符 從晦

渤海王奉慈 戡

第四卷

高祖二十二子

隱太子建成

巢王元吉

荆王元景

鄧王元亨

徐王元禮

彭王元則

霍王元軌

道王元慶

舒王元名

江王元祥

滕王元嬰

衛王玄霸

楚王智雲

漢王元昌

周王元方

韓王元嘉

鄭王元懿

虢王鳳

鄧王元裕

魯王靈夔

密王元曉

第五卷

太宗九王

常山王承乾

鬱林王恪

濮王泰

蜀王愔

越王貞

曹王明

第六卷

三宗諸子

燕王忠

許王素節

成王千里 趙國公姬

吳王

信安王禕 嗣吳王

琅琊王沖

嗣曹王臯 象古

道石

紀王慎 義陽王

蔣王暉 之芳

庶人祐

澤王上金

孝敬皇帝弘 裴居道

章懷太子賢

郢王守禮 廣武王承宏 墩煌王承家

懿德太子重潤

譙王重福

節愍太子重俊

讓皇帝憲

汝陽王璿 景儉

惠莊太子撝

惠文太子範

嗣岐王珍

惠宣太子業

嗣薛王知柔

第七卷

十一宗諸子

奉天皇帝琮

太子瑛

棣王琰

鄂王瑤

靖恭太子琬

光王琚

潁王璵

永王璘

壽王瑁

延王玢

盛王琦

豐王珙

汴王璿

越王係

承天皇帝倓

彭王儼

襄王儼

嗣王媪

恭懿太子倓

昭靖太子邈

睦王述

舒王誼

通王諶

虔王諒

肅王詳

文敬太子諲

郟王經

惠昭太子寧

澧王恽

絳王悟

建王恪

懷懿太子湊

安王溶

悼懷太子普

陳王成美



莊恪太子永

通王滋

吉王保

德王裕

第八卷

諸帝公主

世祖一女

高祖十九女

太宗二十一女

高宗三女

中宗八女

睿宗十一女

玄宗二十九女

肅宗七女

代宗十八女

德宗十一女

順宗十一女

憲宗十八女

穆宗八女

敬宗三女

文宗四女

武宗七女

宣宗十一女

懿宗八女

僖宗二女

昭宗十一女

第九卷

李密 單雄信 祖君彥

第十卷

王世充

竇建德

第十一卷

薛舉 仁果

李軌

劉武周

高開道

劉黑闥 徐圓朗

第十二卷

蕭銑

輔公祐

沈法興

李子通

朱榮 林士弘 張善安

梁師都 劉季真

第十三卷

劉文靜

裴寂 趙文恪 錢九隴

李思行 李高遷 樊興 公孫武達

姜寶誼 龐卿博

許世緒 張長慈

劉師立 張平高

劉義節 李安遠

馬三寶 李孟嘗 元仲文 秦行師

第十四卷

屈突通

張公謹 大安

秦瓊

尉遲敬德

唐儉 憲次 扶持 彥謙

段志玄

文昌 成武

第十五卷

劉弘基

殷開山

劉政會

奇 崇望 崇龜 崇魯

許紹

國師 欽明 欽寂

程知節

柴紹

任瓌

丘和 行恭

第十六卷

溫大雅

彥博 大有 估造 廷筠 廷皓

皇甫無逸

李襲志

襲與

姜暮

行本 慶初 駁

崔善為

李嗣真

第十七卷

杜伏威

麟 王雄 稜 誕

張士貴

李子和

苑君璋

羅藝

王君廓

第十八卷

李靖客師 今問

李勣敬業 思文

第十九卷

侯君集

張亮

薛萬均萬徹 劉世讓 劉蘭 李君羨

盧祖尚

第二十卷

高儉履行 真行

竇威誕 琮 德玄 靜

第二十一卷

房玄齡遺愛

杜如晦楚客 淹 讓能 元穎

第二十二卷

魏徵謬

薛收元超 元敬 稷 伯陽

第二十三卷

王珪熹

韋挺待價 武 萬石

馬周義

第二十四卷

李綱安仁 安靜

李大亮道裕 迥秀

戴胄至德

劉洎樂彥達

崔仁師湜 澄 液

第二十五卷

陳叔達

楊恭仁思訓 師道 執柔

封倫

裴矩

宇文士及

鄭善果元壽

權萬紀懷恩

閻立德立本

蔣儼

韋弘機岳子

姜師度強循

張知謩

第二十六卷

蕭瑀鈞 嗣業 高 華 復

第二十七卷

岑文本義 格輔元 長倩

虞世南

李百藥安期

褚亮劉季孫 李玄道

姚思廉壽

令狐德棻頤 李延壽

第二十八卷

蘇世長良嗣

韋雲起方質

孫伏伽

張玄素

第二十九卷

于志寧休烈

高季輔

張行成昌宗

第三十卷

長孫无忌敬 顯德

褚遂良瑒

韓瑗

來濟恒

李義琰巢

上官儀

第三十一卷

杜正倫求仁

崔知溫知悌

高智周石仲覽

郭正一

趙弘智來章

崔敦禮

楊弘禮弘武 元禧

盧承慶齊卿

劉祥道齊賢

李敬玄元素

劉德威審禮 延景

孫處約侏

邢文偉高子賢

第三十二卷

傅奕

陳子昂

王無競  
趙元

呂才

方毅

第三十三卷

劉仁軌

婁師德

裴行儉

光廷

均

第三十四卷

崔義玄

神基  
神慶

楊再思

季昭

竇懷貞

統

宗楚客

晉卿  
紀處訥

祝欽明

郭山輝

王與

第三十五卷

諸夷蕃將

史大奈

馮益

子猷

阿史那社尒

忠

執失思力

契苾何力

明

黑齒常之

李謹行

泉男生

獻誠

李多祚

李湛

論弓仁

惟貞

尉遲勝

尚可孤

裴玢

第三十六卷

郭季恪

張儉

延師

王方翼

珣

蘇定方

薛仁貴

訥

程務挺

王季傑

唐休璟

張仁愿 張敬忠

王峻

第三十七卷

王義方

貞半千 石抱忠

韓思彥 琬

蘇安恒

薛登

王求禮

柳澤 範

馮元常 元淑

蔣欽緒 清

第三十八卷

唐臨 皎

張文瓘 文琮 錫

徐有功 商

第三十九卷

崔融 從 能 慎由

徐彥伯

蘇味道

豆盧欽望 史務滋 崔元綜

第四十卷

狄仁傑 光嗣

郝處俊 象賢

朱敬則 仁軌

第四十一卷

王綝 博 遂

韋思謙 承慶 嗣立 弘景 相

陸元方 象先 希聲 餘 慶 備 吳融 燥

王及善

李日知

杜景佺

李懷遠 景伯 彭年

第四十二卷

裴炎 伯先

劉禕之 郭翰

魏玄同 恬

李昭德

吉頊

第四十三卷

張廷珪

韓思復 朝宗 欽

辛替否

裴潏 張皐

韋湊 見素 謬 顛 知人

宋務光 呂元泰

李渤

李中敏 李欵 李甘

第四十四卷

武平一

賈曾 至

李义

白居易 行簡 敏中

第四十五卷

桓彥範 盧襲秀 楊元琰

崔玄暉 渙 縱

敬暉

張柬之

袁恕已 高

第四十六卷

劉幽求

崔日用 日知

鍾紹京

王琚 張驛

王毛仲 李守德 陳玄禮

第四十七卷

魏元忠

郭震 字元振

韋安石 阮 抗 叔夏

第四十八卷

李嶠

盧藏用

蕭至忠

韋巨源

趙彥昭 和逢堯

第四十九卷

姚崇奕合

宋璟渾

第五十卷

蘇瓌頊幹誥

張說均

第五十一卷

魏知古

盧懷慎奐

李元紘

杜暹鴻漸

張九齡極仲方

韓休洪混

第五十二卷

張嘉貞延賞弘靖文規

源乾曜光裕

裴耀卿佶

第五十三卷

蘇珣晉

尹思貞

畢構棟

李傑

鄭惟忠

王志愔

許景先

潘好禮

倪若水

席豫

齊澣抗

第五十四卷

裴守真子餘行立

崔沔

盧從愿

李朝隱

王丘

嚴挺之武綬

第五十五卷

裴濯寬訥

陽嶠



宋慶禮

楊瑒

崔隱甫

李尚隱

解琬

第五十六卷

宗室宰相

李適之

李峴

李勉

李夷簡

李程廓

李石福

李回

第五十七卷

劉子玄

賚 貶 迴 秩 敦 儒 餽 迅

吳兢

韋述

蔣乂係 曙

柳芳

登 璟

沈既濟傳 師

第五十八卷

郭虔瓘

郭知運英 傑

王君奭

張守珪獻 誠

王忠嗣

牛仙客

第五十九卷

宇文融

韋堅

楊慎矜

王鉷虛 鉉

第六十卷

哥舒翰擢

高仙芝

封常清

第六十一卷

第六十二卷

李光弼彙 張伯儀 光進 白元光 荔非元禮 陳利貞 侯仲莊 李國臣 白季德

郭子儀耀 郭晞 承暇 暖 劍

第六十三卷

李嗣業 馬璘

李抱玉 路嗣恭應

第六十四卷

房琯儒復 張鎬

李泌繁

第六十五卷

崔圓 苗晉卿

裴冕 裴遵慶向

呂誼

第六十六卷

崔光遠 鄧景山崔瓘

魏少游 衛伯玉

李澄克寧 韓全義

盧從史 高霞寓

第六十七卷

李麟 楊綰

崔祐甫植 柳渾識

韋處厚 路隋

第六十八卷

高適 元結

李承

薛珏 存慶

戴叔倫

徐申

辛祕

第六十九卷

來瑱 裴茂

侯希逸

嚴礪

韋倫

崔漢衡

王翊 正雅

郗士美

田神功 神王

崔寧 萇

王縉 黎幹

嚴郢

第七十卷

元載 卓英麟 李少良

楊炎 庾準

竇參 申 吳通玄

第七十一卷

李栖筠 吉甫 德修

第七十二卷

王思禮

王難得 用

馮河清 姚況

李叔明 昇

王虔休

李元素

魯炅

辛雲京 京杲 旻

李芄

曲環

盧群

盧士玫

第七十三卷

令狐彰 建通

張季忠 茂宗 裴夷直

陳楚 茂昭

康日知志睦承訓

李洧布

劉澶

田弘正布

王承元

牛元翼傳良弼李蒙

史季章

第七十四卷

劉晏濛 暹 漳 元琇 包信 盧徵 李若初 于頔

第五琦

班宏

王紹

李異

第七十五卷

李揆

常袞

趙憬

崔造

齊映

盧邁

第七十六卷

關播李元年

董晉溪 劉全諒 陸長源

袁滋

趙宗儒

竇易直

第七十七卷

張鎰

姜公輔

武元衡儒衡

李絳璋

宋申錫

第七十八卷

段秀實伯倫 崑 文楚 劉海賓

顏真卿

第七十九卷

李晟愿 憲 王必

第八十卷

馬燧暢炫

渾瑊鎬

第八十一卷

楊朝晟

戴休顏

陽惠元旻

李元諒

李觀

韓游瓌

杜希全

邢君牙

第八十二卷

陸贄

第八十三卷

韋臯聿劉關

張建封愔

嚴震謨

韓弘公武

第八十四卷

鮑防

李自良

蕭昕

薛播

樊澤宗師

王緯

吳湊士矩

鄭權

陸亘

盧坦開濟美

柳晟

崔戎雍

第八十五卷

徐浩

呂渭溫恭

孟簡

劉伯芻寬夫允章

楊憑敬之

潘孟陽

崔元略元鉉式  
沈崔崱從

韋綬

第八十六卷

張薦 讀

趙涓 博宣

李紆

鄭雲達

徐岱

王仲舒

馮伉

庾敬休

第八十七卷

姚南仲

獨孤及 朗 郁

顧少連

韋夏卿 瓘

段平仲

呂元膺

許孟容 季同

薛存誠 廷老

李遜 方玄 建 訥

第八十八卷

孔巢父 戰 綽 業 戔

穆寧 贊 質

崔邠 鄆 鄆 鄆

柳公綽 仲 邱 璞 珪 璧 子 華

楊於陵

馬總

第八十九卷

歸崇敬 登 融

奚陟

崔衍

盧景亮 王源中

薛萃 膺

衛次公 洙

薛戎 放

胡証

丁公著

崔弘禮

崔玄亮

王質

殷侑 盈孫

王彥威

第九十卷

鄭餘慶從諫 處海

鄭珣瑜朝 商綽

高郢定

鄭綱題

權德輿璩

崔群

第九十一卷

賈耽

杜佑式方 崇 儒休

令狐楚高 定 綸

第九十二卷

白志貞

裴延壽

崔損

韋湊

李齊運

李實

皇甫鏞鏞

王播起 龜

第九十三卷

韋執誼

王叔文王伍 韓泰 陳諫

陸質

劉禹錫

柳宗元

程异

第九十四卷

杜黃裳勝

裴垍

李藩

韋貫之溫 綬 蕭祐

第九十五卷

高崇文承簡

伊慎

朱忠亮

劉昌裔

范希朝

王鐸稷

孟元陽

王栖曜茂元

劉昌士涇

趙昌

李景略

任迪簡

張萬福

高固

郝玘 史敬奉  
野詩良輔

第九十六卷

李光進 光顏

烏重胤 石洪 李珙

王沛 逢

楊元卿 延宗

曹華

高瑀

劉沔

石雄

第九十七卷

于頔 季友

王智興 晏平

杜兼 中立

杜亞

范傳正

第九十八卷

裴度 諡

第九十九卷

李逢吉

元稹

牛僧孺 蔚

李宗閔

楊嗣復 授

第一百卷

竇群 常

張又新

楊虞卿 漢公 汝士

張宿

熊望

柏耆

第一百一卷

韓愈 孟郊 盧全

張籍 賈島

皇甫湜 劉叉



第一百二卷

錢徽羽

韋表微

馮宿定審

李翱

高元裕少逸

鄭薰

韋博

第一百三卷

劉蕡

第一百四卷

李訓

崔咸

高鉞混

李虞仲

盧簡辭知猷

封敖弘止

敬晦

李景讓景溫

李景讓

賈餗

王璠

李景讓

王涯

舒元興

第一百五卷

李德裕燁  
崔煥  
延古  
丁柔立

第一百六卷

陳夷行

李讓夷

劉瞻助

第一百七卷

李固言

崔珙涓  
瑄  
遠

鄭肅仁表  
盧商

賈餗

王璠郭行餘  
韓約  
顧師邕  
李貞素

李德裕

李讓夷

陳夷行

李固言

劉瞻

李讓夷

李固言

崔珙

鄭肅

盧鈞盧簡方

韋琮

裴休

趙隱

鄭延昌

盧光啓 韋貽範

第一百八卷

畢誠

劉鄴 豆盧瑑

鄭綮

韓偓 儀

第一百九卷

馬植

路巖 韋保衡

第一百十卷

鄭畋

王徽

張濬

第一百十一卷

周寶

鄧處訥 雷滿

劉巨容 馮行襲

楊守亮

顧彥朗 彥暉

第一百十二卷

周墀

劉瑑 夏侯孜

裴坦 贊

王溥

崔彥昭

陸扆

朱朴 孫偓

楊收 發巖

盧攜

王鐸 鎡

韋昭度

王處存 郜

陳儒

趙德諲 匡凝

楊晟

王燾 先

南溥 爽

王重榮

珂

諸葛爽

李罕之

王敬武

師範

孟方立

遷

第一百十三卷

楊行密

時溥

朱宣

孫儒

第一百十四卷

高仁厚

趙彥

昶

田頴

朱延壽

第一百十五卷

劉建鋒

成汭

杜洪

鍾傳

劉漢宏

張雄

王潮

審邦

劉知謙

盧光稠

第一百十六卷

忠義上

夏侯端

劉感

常達

敬君弘

謝叔方

呂子臧

馬元規

王行敏

盧士叡  
李玄通

羅士信

張道源

楚金

李育德

李公逸  
張善相

高叡

仲舒

安金藏

王同皎

周景

吳保安

李愷

源

盧奕

元輔

張介然

崔無諛

第一百十七卷

忠義中

顏杲卿 春卿

賈循 隱林

張巡

許遠 南霽雲 姚閻 雷萬春

第一百十八卷

忠義下

程千里 素光廷

龐堅 薛愿

張興

蔡廷玉

符令奇 璘

劉迺

孟華

張仝

周曾

張名振

石演芬

吳澈

高沐

賈直言

辛讜

黃碣 孫揆

第一百十九卷

卓行

元德秀 李萼

權臯

甄濟

陽城 何蕃

司空圖

第一百二十卷

孝友

李知本

張志寬

劉君良

王少玄

任敬臣

支叔才

程袁師

武弘度

宋思禮

鄭潛曜

元讓

裴敬彝

梁文貞

沈季詮

許伯會

陳集原

陸南金

張琇

侯知道

程俱羅

許法慎

林攢

陳饒奴

王博武

萬敬儒

章全益

第一百二十一卷

隱逸

王績

朱桃椎

孫思邈

田游巖

史德義

孟詵

王友貞

王希夷

李元愷

衛大經

武攸緒

白履忠

盧鴻

吳筠

潘師正  
司馬承禎

劉道合

賀知章

秦系

張志和

孔述睿

敏行

陸羽

崔覲

陸龜蒙

第一百二十二卷

循吏

韋仁壽

張允濟 李桐客

薛大鼎 克構

田仁會 歸道

韋景駿

羅珣 讓

盧弘宣

何易于

陳君賓

李素立 至遠 農 奮

賈敦頤 敦實 楊德幹

裴懷古

李惠登

韋丹 由

薛元賞

第一百二十三卷

儒學上

徐文遠

曹憲

孔穎達 王恭 馬嘉運

朱子奢

張後胤

谷那律 從政

敬播 劉伯莊 秦景通

第一百二十四卷

儒學中

郎餘令 餘慶

沈伯儀

王元感

彭景直

尹知章

陸德明

顏師古 相時 游秦

歐陽詢 通

張士衡 賈大隱

蓋文達 文懿

蕭德言 許叔牙 子儒

羅道棕

徐齊聃 經

路敬淳 敬潛

王紹宗

盧粲

張齊賢

柳沖

馬懷素 殷踐猷

孔若思 季詡

第一百二十五卷

儒學下

褚无量 涂安貞

元行沖

陳貞節

施敬本

盧履冰

王仲丘

康子元 侯行果

趙冬曦 尹愔 鄭欽說 陸堅 盧俱

啖助

韋彤

陳京

暢當

林蘊

韋公肅

許康佐

第一百二十六卷

文藝上

袁朗 諡利貞 承序

賀德仁 庾抱

蔡允恭

謝偃

崔信明 鄭世翼

劉延祐 藏器 知柔

張昌齡

崔行功 銑

杜審言 易簡 甫

王勃 劇 盧照隣 駱賓王 楊炯

元萬頃 正 范履冰 義方 周思茂 李方 胡楚賓

第一百二十七卷

文藝中

李適 韋元旦 宋之問 劉允濟 閻朝隱 沈佺期

尹元凱 富嘉謨

劉憲

李邕

呂尚

王翰

遜遜成簡

李白張旭

王維

鄭虔

蕭穎士存柳并

陸據皇甫冉

蘇源明梁肅

第一百二十八卷

文藝下

李華倫觀

孟浩然王昌齡崔顥

劉太真

邵說

于邵

崔元翰

于公異

李益

盧綸

歐陽詹相

李賀

吳武陵

李商隱

薛逢

李頻

吳融

第一百二十九卷

方技

李淳風

甄權許胤宗張文仲

袁天綱客師金梁鳳

張憬藏王遠知

乙弗弘禮

薛頤葉法善

明崇儼

尚獻甫

嚴善思

杜生

張果那和璞羅思遠  
師夜光

姜撫

桑道茂

第一百三十卷

烈女



李德武妻裴淑英

楊慶妻王

房玄齡妻盧

獨孤師仁姆王蘭英

楊三安妻李

樊會仁母敬

衛孝女無忌

鄭義宗妻盧

劉寂妻夏侯碎金

于敏直妻張

楚王靈龜妃上官

楊紹宗妻王

賈季女

李氏妾王阿足

樊彥琛妻魏

李奮母

汴女李

崔繪妻盧

堅貞節婦李

符鳳妻玉英

高叡妻秦

王綝妻韋

盧惟清妻徐

饒娥

竇伯女仲女

盧甫妻李

鄒侍徵妻薄

金節婦

高愍女

楊烈婦

賈直言妻董

李季女妙法

李湍妻

董昌齡母楊

王季女和子

段居貞妻謝

楊含妻蕭

韋雍妻蕭

衡方厚妻程

鄭季女

李廷節妻崔

殷保晦妻封絢

竇烈婦

李拯妻盧

山陽女趙

周迪妻

朱延壽妻王

第一百三十一卷

外戚

獨孤懷恩

武士護士稜 士逸 承嗣

韋温

王仁皎守一

楊國忠

李儵

鄭光

第一百三十二卷

宦者上

楊思勗

高力士

程元振駱奉先

魚朝恩

竇文場霍山鳴

劉貞亮

吐突承璀

馬存亮嚴遵美

仇士良

楊復光

第一百三十三卷

宦者下

李輔國

王守澄

劉克明

田令孜楊復恭

劉季述

韓全誨張彥弘

第一百三十四卷

酷吏

索元禮

來俊臣來子詢 丘神勣

侯思止

王弘義

郭弘霸

姚紹之

周利貞

王旭

吉温 羅希顛

崔器

毛若虛

敬羽

第一百三十五卷

藩鎮魏博

田承嗣 悅懷諫

緒季安

全碑 韓允中

史憲誠

何進滔 弘敬

樂彥禎

羅弘信

羅弘信 紹威

第一百三十六卷

藩鎮鎮冀

李寶臣 惟岳

紹鼎 紹懿

王武俊 承宗

王廷湊 元達

景崇 紹懿

第一百三十七卷

藩鎮盧龍

李懷仙

朱滔

劉怦 總濟

朱克融

李載義 楊志誠

史元忠

張仲武

張允伸 張公素

李茂勳

劉仁恭

李全忠 匡威

匡壽

第一百三十八卷

藩鎮淄青橫海

李正已 師道

師古

程日華

李全略 同捷

懷直 懷信

第一百三十九卷

藩鎮宣武彰義澤潞

劉玄佐 鄧惟恭

李元

吳少誠

少陽 李祐

元濟

劉悟從諫 李師晦 李五

李佐之

第一百四十卷上

突厥上

第一百四十卷下

突厥下

第一百四十一卷上

吐蕃上

第一百四十一卷下

吐蕃下

第一百四十二卷上

回鶻上

第一百四十二卷下

回鶻下

第一百四十三卷

沙陀

第一百四十四卷

北狄

契丹

室韋

渤海

第一百四十五卷

東夷

第一百四十六卷上

新羅

百濟

日本

黑水靺鞨

奚

流鬼

第一百四十六卷上

西域上

泥婆羅

党項

東女

高昌

吐谷渾

焉耆

龜茲跋祿迦

疏勒

于闐

天竺

摩揭陀

罽賓

第一百四十六卷下

西域下

康

寧遠

大勃律

吐火羅

謝颶

識匿

箇失密

骨咄

蘇毗

師子

波斯

拂菻

大食

第一百四十七卷上

南蠻上

南詔上

第一百四十七卷中

南蠻中

南詔下

蒙巽詔 越析詔 道談詔 施浪詔

浪穹詔

第一百四十七卷下

南蠻下

環王

盤盤

扶南

真臘

訶陵

投和

瞻博

室利佛逝

名蔑

單單

驃

兩爨蠻

南平獠

西原蠻

第一百四十八卷上

姦臣上

許敬宗

李義府

傅游藝

李林甫

陳希烈

第一百四十八卷下

姦臣下

盧杞

崔胤

崔昭緯

柳璨 蔣玄暉 張廷範 氏叔琮 朱友恭

第一百四十九卷上

叛臣上

僕固懷恩

周智光

梁崇義

李懷光

陳少游

李錡

第一百四十九卷下

宋叛臣下十八卷下

李忠臣

喬琳

高駢

朱玫

王行瑜

陳敬瑄

李巨川

第一百五十五卷上

逆臣上

安祿山

慶緒 孫季哲

高尚

史思明

朝義

第一百五十五卷中

逆臣中

李希烈

朱泚

第一百五十五卷下

逆臣下

黃巢

秦宗權

董昌

唐書目錄終

本紀第一

高祖神堯大聖大光

李氏隴西成紀人也

唐書一

高祖神堯大聖大光孝皇帝諱淵字叔德姓李氏隴西成紀人也其七世祖暉當晉末據秦涼以自王是為涼武昭王暉生歆歆為沮渠蒙遜所滅歆生重耳魏弘農太守重耳生熙金門鎮將戍於武川因留家焉熙生天賜為幢主天賜生虎西魏時賜姓大野氏官至太尉與李弼等八人佐周代魏有功皆為柱國號八柱國家周閔帝受魏禪虎已卒乃追錄其功封唐國公諡曰襄襄公生昞襲封唐公隋安州總管柱國大將軍卒諡曰仁仁公生高祖於長安體有三乳性寬仁襲封唐公隋文帝獨孤皇后高祖之從母也以故文帝與高祖相親愛文帝相周復高祖姓李氏以為千牛備身事隋譙隴二州刺史大業中歷岐州刺史滎陽樓煩二郡太守召為殿內少監衛尉少卿煬帝征遼東遣高祖督運糧於懷遠鎮



楊玄感將反其兄弟從征遼者皆逃歸高祖先覺以聞煬帝遽班師以高祖爲弘化留守以禦玄感詔關右諸郡兵皆受高祖節度是時隋政荒天下大亂煬帝多以猜忌殺戮大臣嘗以事召高祖高祖遇疾不時謁高祖有甥王氏在後宮煬帝問之王氏對以疾煬帝曰可得死否高祖聞之益懼因縱酒納賂以自晦十一年拜山西河東慰撫大使擊龍門賊馬端兒射七十發皆中賊敗去而斂其尸以築京觀盡得其箭於其尸又擊絳州賊柴係昌降其衆數萬人突厥犯塞高祖與馬邑太守王仁恭擊之隋兵少不敵高祖選精騎二千爲游軍居處飲食隨水草如突厥而射獵馳騁示以閒暇別選善射者伏爲奇兵虜見高祖疑不敢戰高祖乘而擊之突厥敗走十三年拜太原留守擊高陽歷山飛賊甄翟兒於西河破之是時煬帝南遊江都天下盜起高祖子世民知隋必亡陰結豪傑招納亡命與晉陽令劉文靜謀舉大事計已決而高祖未之知欲以情告懼不見聽高祖留守太原領晉陽宮監而所善客裴寂爲副監世民陰與寂謀寂因選晉陽宮人私事高祖高祖過寂飲酒酒酣從容寂具以大事告之高祖大驚寂曰正爲宮人奉公事發當誅爲此爾世民因亦入白其事高祖初陽不許欲執世民送官已而許之曰吾愛汝豈忍告汝邪然未有以發而所在盜賊益多突厥數犯邊高祖兵出無功煬帝遣使者執高祖詣江都高祖大懼世民曰事急矣可舉事已而煬帝復馳使者赦止高祖其事遂已

是時劉武周起馬邑林士弘起豫章劉元進起晉安皆稱皇帝朱粲起南陽號楚帝李子通起海陵號楚王邵江海據岐州號新平王薛舉起金城號西秦霸王郭子和起榆林號永樂王竇建德起河間號長樂王王須拔起恒定號漫天王汪華起新安

馬明板作母

杜伏威起淮南皆號吳王李密起鞏號魏公王德仁起鄴號太公  
左才相起齊郡號博山公羅藝據幽州左難當據涇馮盎據高羅  
皆號總管梁師都據朔方號大丞相孟海公據曹州號錄事周文  
舉據淮陽號柳葉軍高開道據北平張長慈據五原周洮據上洛  
楊士林據山南徐圓朗據兗州楊仲達據豫州張善相據伊汝王  
要漢據汴州時德叡據尉氏李義滿據平陵綦公順據青萊淳于  
難據文登徐師順據任城蔣弘度據東海王薄據齊郡蔣善合據  
鄆州田留安據章丘張青特據濟北臧君相據海州殷恭遂據舒  
州周法明據永安苗海潮據永嘉梅知巖據宣城鄧文進據廣州  
俚酋楊世略據循潮冉安昌據巴東甯長真據鬱林其別號諸盜  
往往屯聚山澤而劉武周攻汾陽宮高祖乃集將吏告曰今吾為  
留守而賊據離宮縱賊不誅罪當死然出兵必待報今江都隔遠

為唐邊  
粵之始

後期奈何將吏皆曰國家之利可專者公也高祖曰善乃募兵旬  
日間得衆一萬副留守虎賁郎將王威虎牙郎將高君雅見兵大  
集疑有變謀因禱雨晉祠以圖高祖高祖覺之乃陰為備五月甲  
子高祖及威君雅視事開陽府司馬劉政會告威君雅友即坐上  
執之丙寅突厥犯邊高祖令軍中曰人告威君雅召突厥今其果  
然遂殺之以起兵遣劉文靜使突厥約連和六月己卯傳檄諸郡  
稱義兵開大將軍府置三軍以子建成為隴西公左領軍大都督  
左軍隸焉世民為燉煌公右領軍大都督右軍隸焉元吉為姑臧  
公中軍隸焉裴寂為長史劉文靜為司馬石艾縣長殷開山為掾  
劉政會為屬長孫順德王長諧劉弘基竇琮為統軍開倉庫賑窮  
乏七月壬子高祖杖白旗誓衆於野有兵三萬以元吉為太原留  
守癸丑發太原甲寅遣將張綸徇下離石龍泉文城三郡丙辰次

靈石營於賈胡堡隋虎牙郎將宋老生屯於霍邑以拒義師丙寅  
隋鷹揚府司馬李軌起武威號大涼王八月辛巳敗宋老生于霍  
邑丙戌下臨汾郡辛卯克絳郡癸巳次龍門突厥來助隋驍衛大  
將軍屈突通守河東絕津梁壬寅馮翊賊孫華土門賊白玄度皆  
具舟以來逆九月戊午高祖領太尉加置僚佐以少牢祀河乃濟  
甲子次長春宮丙寅隴西公建成劉文靜屯永豐倉守潼關燉煌  
公世民自渭北徇三輔從父弟神通起兵于鄠柴氏婦高祖女也  
亦起兵於司竹皆與世民會郿賊丘師利李仲文蓋屋賊何潘仁  
向善思宜君賊劉昊等皆來降因略定鄠杜壬申高祖次馮翊乙  
亥燉煌公世民屯阿城隴西公建成自新豐趨霸上丙子高祖自  
下邳以西所經隋行宮苑籞悉罷之出宮女還其家十月辛巳次  
長樂宮有衆二十萬隋留守衛文昇等奉代王侑守京城高祖遣  
使諭之不報乃圍城下令曰犯隋七廟及宗室者罪三族丙申隋  
羅山令蕭銑自號梁公十一月丙辰克京城命主符郎宋公弼收  
圖籍約法十二條殺人劫盜背軍叛者死癸亥遙尊隋帝爲太上  
皇立代王爲皇帝大赦改元義寧甲子高祖入京師至朝堂望闕  
而拜隋帝授高祖假黃鉞使持節大都督內外諸軍事大丞相錄  
尚書事進封唐王以武德殿爲丞相府下敕曰令視事于虔化門  
十二月癸未隋帝贈唐襄公爲景王仁公爲元王夫人竇氏爲唐  
國妃諡曰穆以建成爲唐國世子世民爲唐國內史徙封秦國公  
元吉爲齊國公丞相府置長史司錄以下官趙郡公季恭徇山南  
甲辰雲陽令詹俊徇巴蜀二年正月丁未隋帝詔唐王劔履上殿  
入朝不趨贊拜不名加前後羽葆鼓吹戊午周洮降戊辰世子建  
成爲左元帥秦國公世民爲右元帥徇地東都二月巳卯太常卿

鄭元璠定樊鄧使者馬元規徇荆襄三月巳酉齊國公元吉爲太  
原道行軍元帥乙卯世民徙封趙國公丙辰隋右屯衛將軍宇文  
化及弒太上皇於江都立秦王浩爲皇帝吳興郡守沈法興據丹  
陽自稱江南道總管樂安人盧祖尚據光州自稱刺史戊辰隋帝  
進唐王位相國總百揆備九錫唐國置丞相等官立四廟四月巳  
卯張長慈降辛巳停竹使符班銀菟符五月乙巳隋帝命唐王冕  
十有二旒建天子旌旗出警入蹕甲寅王德仁降戊午隋帝遜于  
位以刑部尚書蕭造司農少卿裴之隱奉皇帝璽紱於唐王三讓  
乃受武德元年五月甲子卽皇帝位於太極殿命蕭造兼太尉告  
于南郊大赦改元賜百官庶人爵一級義師所過給復三年其餘  
給復一年改郡爲州太守爲刺史庚午太白晝見隋東都留守元  
文都及左武衛大將軍王世充立越王侗爲皇帝六月甲戌趙國

唐避唐  
字諱也

武德宜  
提行起

宋本凡  
改字自  
改筆作

公世民爲尚書令裴寂爲尚書右僕射知政事劉文靜爲納言隋  
民部尚書蕭瑀丞相府司錄參軍竇威爲內史令丙子太白晝見  
巳卯追諡皇高祖曰宣簡公皇曾祖曰懿王皇祖曰景皇帝廟號  
太祖祖妣梁氏曰景烈皇后皇考曰元皇帝廟號世祖妣獨孤氏  
曰元貞皇后妃竇氏曰穆皇后庚辰立世子建成爲皇太子封世  
民爲秦王元吉齊王癸未薛舉寇涇州秦王世民爲西討元帥劉  
文靜爲司馬太僕卿宇文明達招慰山東乙酉奉隋帝爲籙國公  
詔曰近世時運遷革前代親族莫不夷絕曆數有歸實惟天命興  
亡之效豈伊人力前隋蔡王智積等子孫皆選用之癸巳禁言符  
瑞者辛丑竇威薨黃門侍郎陳叔達判納言將作大匠竇抗兼納  
言七月壬子劉文靜及薛舉戰于涇州敗績乙卯郭子和降庚申  
廢隋離宮八月壬申劉文靜除名戊寅約功臣恕死罪辛巳薛舉

卒壬午李軌降甲申巖州刺史王德仁殺招慰使宇文明達以反  
已丑秦王世民爲西討元帥以討薛仁果庚子贈隋太常卿高熲  
上柱國鄴國公上柱國賀若弼杞國公司隸大夫薛道衡上開府  
臨河縣公刑部尚書宇文弼上開府平昌縣公左翊衛將軍董純  
柱國狄道公右驍衛將軍李金才上柱國申國公左光祿大夫李  
敏柱國觀國公諸遭隋柱殺而子孫被流者皆還之九月乙巳慮  
囚始置軍府癸丑改銀菟符爲銅魚符甲寅秦州總管竇軌及薛  
仁果戰敗績辛未宇文文化及殺秦王浩自稱皇帝十月壬申朔日  
有食之巳卯李密降壬午朱粲陷鄧州刺史呂子臧死之乙酉邵  
江海降巳亥盜殺商州刺史泉彥宗辛丑大閱是月竇抗罷十一  
月竇建德敗王須拔于幽州須拔亡入于突厥乙巳涼王李軌反  
戊申禁獻侏儒短節小馬庠牛異獸奇禽者巳酉秦王世民敗薛  
仁果執之癸丑行軍總管趙慈景攻蒲州隋刺史堯君素拒戰執  
慈景癸亥秦王世民俘薛仁果以獻十二月壬申世民爲太尉丙  
子蒲州人殺堯君素立其將王行本辛巳鄭元璿及朱粲戰于商  
州敗之乙酉如周氏陂丁亥至自周氏陂庚子光祿卿李密反伏  
誅是歲高開道陷漁陽號燕王

二年正月甲子陳叔達兼納言詔自今正月五月九月不行死刑  
禁屠殺丙寅張善相降巳巳楊士林降二月乙酉初定租庸調法  
令文武官終喪丙戌州置宗師一人甲午赦并浩介石四州賈胡  
堡以北繫囚閏月竇建德陷邢州執總管陳君賓辛丑竇建德殺  
宇文文化及於聊城朱粲降壬寅皇太子及秦王世民裴寂巡于畿  
縣乙巳御史大夫段確勞朱粲於菊潭庚戌微行察風俗乙卯以  
穀貴禁關內屠酤左屯衛將軍何潘仁及山賊張子惠戰於司竹

死之丁巳慮囚庚申驍騎將軍趙欽王娑羅及山賊戰于盤屋死  
之丁卯王世充陷殷州陟州刺史李育德死之三月甲戌王薄降  
庚辰蔣弘度徐師順降丁亥竇建德陷趙州丁酉李義滿降四月  
綦公順降庚子并州總管齊王元吉及劉武周戰于榆次敗績辛  
丑朱粲殺段確以及乙巳王世充廢越王侗自稱皇帝癸亥陷伊  
州執總管張善相五月庚辰涼州將安修仁執李軌以降癸未曲  
赦涼甘瓜鄯肅會蘭河廓九州六月王世充殺越王侗戊戌立周  
公孔子廟于國子監庚子竇建德陷滄州丁未劉武周陷介州癸  
亥裴寂爲晉州道行軍總管離石胡劉季真叛陷石州刺史王儉  
死之七月壬申徐圓朗降八月丁酉鄴國公薨甲子竇建德陷洛  
州執總管袁子幹九月辛未殺戶部尚書劉文靜李子通自稱皇  
帝沈法興自稱梁生丁丑杜伏威降裴寂及劉武周戰于介州敗  
績右武衛大將軍姜寶誼死之庚辰竇建德陷相州總管呂珉死  
之辛巳劉武周陷并州庚寅太白晝見竇建德陷趙州執總管張  
志昂乙未京師地震梁師都寇延州鄜州刺史梁禮死之十月巳  
亥羅藝降乙卯如華陰赦募士背軍者壬戌劉武周寇晉州永安  
王季基及工部尚書獨孤懷恩陝州總管于筠內史侍郎唐儉討  
之甲子祠華山是月夏縣人呂崇茂反秦王世民討劉武周十月  
丙子竇建德陷黎州執淮安王神通總管李世勣十二月丙申獵  
於華山永安王季基及劉武周戰於下邳敗績壬子大風拔木  
三年正月巳巳獵於渭濱戊寅王行本降辛巳如蒲州癸巳至自  
蒲州二月丁酉京師西南地有聲庚子如華陰甲寅獨孤懷恩謀  
反伏誅辛酉檢校隰州總管劉師善謀反伏誅三月庚午改納言  
爲侍中內史令爲中書令甲戌中書侍郎封德彝兼中書令乙酉

劉季真降四月丙申祠華山壬寅至自華陰癸卯禁關內諸州屠  
甲寅秦王世民及宋金剛戰於雀鼠谷敗之辛酉王世充陷鄧州  
總管雷四郎死之壬戌秦王世民及劉武周戰於洛州敗之武周  
亡入於突厥克并州五月壬午秦王世民屠夏縣六月丙申赦晉  
隰潞并四州癸卯詔隋帝及其宗室柩在江都者爲營窆置陵廟  
以故宮人守之丙午慮囚封子元景爲趙王元昌魯王元亨鄴王  
已酉出宮女五百人賜東征將士有功者甲寅顯州長史田瓚殺  
行臺尚書令楊士林叛附於王世充乙卯涇州縣暴骨七月壬戌  
秦王世民討王世充甲戌皇太子屯於蒲州以備突厥丙戌梁師  
都導突厥稽胡寇邊行軍總管段德操敗之八月庚子慮囚甲辰  
時德叡降九月癸酉田瓚降已丑給復陝鼎熊穀四州二年十月  
戊申高開道降已酉楊仲達降已未有星隕於東都十二月已酉  
瓜州刺史賀拔行威反

四年正月辛巳皇太子伐稽胡二月竇建德陷曹州執孟海公已  
丑車騎將軍董阿興反於隴州伏誅乙巳太常少卿李仲文謀反  
伏誅丙午慮囚丁巳赦代州總管府石嶺之北三月進封宜都郡  
王泰爲衛王庚申慮囚乙酉竇建德陷管州刺史郭志安死之四  
月壬寅齊王元吉及王世充戰於東都敗績行軍總管盧君諤死  
之戊申突厥寇并州執漢陽郡王瓌太常卿鄭元璿左驍騎衛大  
將軍長孫順德甲寅封子元方爲周王元禮鄭王元嘉宋王元則  
荆王元茂越王丁巳左武衛將軍王君廓敗張青特執之五月壬  
戌秦王世民敗竇建德于虎牢執之乙丑赦山東爲建德所誑誤  
者戊辰王世充降庚午周法明降六月庚寅赦河南爲王世充所  
誑誤者戊戌蔣善合降庚子營州人石世則執其總管晉文行叛

附於靺鞨乙卯臧君相降七月甲子秦王世民俘王世充以獻丙寅竇建德伏誅丁卯大赦給復天下一年陝鼎函虢虞芮豳七州二年甲戌劉黑闥反於貝州辛巳戴州刺史孟噉鬼反伏誅八月丙戌朔日有食之丁亥皇太子安撫北境丁酉劉黑闥陷郟縣魏州刺史權威貝州刺史戴元祥死之癸卯突厥寇代州執行軍總管王季基丁未劉黑闥陷歷亭屯衛將軍王行敏死之辛亥深州人崔元遜殺其刺史裴晞叛附於劉黑闥兗州總管徐圓朗反九月盧祖尚降乙卯淳于難降甲子汪華降是秋夔州總管趙郡王季恭率十二總管兵以討蕭銑十月巳丑秦王世民爲天策上將領司徒齊王元吉爲司空庚寅劉黑闥陷瀛州執刺史盧士叡又陷觀州癸卯毛州人董燈明殺其刺史趙元愷乙巳趙郡王季恭敗蕭銑於荊州執之閏月乙卯如稷州巳未幸舊壘壬戌獵於好畤乙丑獵於九峩丁卯獵於仲山戊辰獵於清水谷遂幸三原辛未如周氏陂壬申至自周氏陂十一月甲申有事於南郊庚寅李子通降丙申子通謀反伏誅壬寅劉黑闥陷定州總管李玄通死之庚戌杞州人周文舉殺其刺史王季矩叛附於黑闥十二月乙卯黑闥陷冀州總管麴稜死之甲子左武侯將軍李世勣及黑闥戰於宋州敗績丁卯秦王世民齊王元吉討黑闥巳巳黑闥陷邢州庚午陷魏州總管潘道毅死之辛未陷業州壬申徙封元嘉爲徐王

五年正月乙酉劉黑闥陷相州刺史房晃死之丙戌殷恭邃降丁

亥濟州別駕劉伯遜執其刺史竇務本叛附于徐圓朗庚寅東鹽州治中王才藝殺其刺史田華叛附於劉黑闥丙申相州人殺其刺史獨孤徹以其州叛附於黑闥巳酉楊世略劉元進降二月王



要漢降己巳秦王世民克邢州丁丑劉黑闥陷洛水總管羅士信  
死之戊寅汴州總管王要漢敗徐圓朗於杞州執周文舉三月戊  
戌譚州刺史李義滿殺齊州都督王薄丁未秦王世民及劉黑闥  
戰於洛水敗之黑闥亡入於突厥蔚州總管高開道反寇易州刺  
史慕容孝幹死之四月梁州野蠶成繭冉安昌降己未甯長真降  
戊辰釋流罪以下穫麥壬申代州總管李大恩及突厥戰死之戊  
寅鄧文進降五月田留安降庚寅瓜州人王幹殺賀拔行威以降  
乙巳賜荊州今歲田租六月辛亥劉黑闥與突厥寇山東車騎將  
軍元韶爲瓜州道行軍總管以備突厥癸丑吐谷渾寇洮旭疊三  
州岷州總管李長卿敗之乙卯淮安郡王神通討徐圓朗七月甲  
申作弘義宮甲午淮陽郡王道玄爲河北道行軍總管討劉黑闥  
貝州人董該以定州叛附于黑闥丙申突厥殺劉武周於白道遷  
州人鄧士政反執其刺史李敬昂丁酉馮盎降八月辛亥葬隋煬  
帝甲寅吐谷渾寇岷州益州道行臺左僕射竇軌敗之乙卯突厥  
寇邊庚申皇太子出幽州道秦王世民出秦州道以禦突厥己巳  
吐谷渾陷洮州并州總管襄邑郡王神符及突厥戰於汾東敗之  
戊寅突厥陷大震關九月癸巳靈州總管楊師道敗之于三觀山  
丙申洪州總管宇文歆又敗之於崇岡壬寅定州總管雙士洛驃  
騎將軍魏道仁又敗之於恒山之陽丙午領軍將軍安興貴又敗  
之於甘州劉黑闥陷瀛州刺史馬匡武死之東鹽州人馬君德以  
其州叛附于黑闥十月己酉齊王元吉討黑闥癸丑貝州刺史許  
善護及黑闥戰於郟縣死之甲寅觀州刺史劉君會叛附於黑闥  
乙丑淮陽郡王道玄及黑闥戰于下博死之己巳林士弘降十一  
月庚辰劉黑闥陷滄州甲申皇太子討黑闥丙申如宜州癸卯獵

於富平北原十二日丙辰獵於萬壽原戊午劉黑闥陷恒州刺史  
王公政死之庚申至自萬壽原壬申皇太子及劉黑闥戰於魏州  
敗之甲戌又敗之于皂州未乙卯黑闥將葛德威執黑闥以降壬午嵩州人王摩娑  
六年正月己卯黑闥將葛德威執黑闥以降壬午嵩州人王摩娑  
反驃騎將軍衛彥討之庚寅徐圓朗陷泗州二月劉黑闥伏誅庚  
戌幸溫湯壬子獵于驪山甲寅至自溫湯丙寅行軍總管李世勣  
敗徐圓朗執之三月苗海潮梅知巖左難當降乙巳洪州總管張  
善安反四月己酉吐蕃陷芳州己未以故第爲通義宮祭元皇帝  
元貞皇后于舊寢赦京城賜從官帛辛酉張善安陷孫州執總管  
王戎丁卯南州刺史龐季泰反陷南越州壬申封子元壽爲蜀王  
元慶漢王癸酉裴寂爲尚書左僕射蕭瑀爲右僕射封德彝爲中  
書令吏部尚書楊恭仁兼中書令檢校涼州諸軍事五月庚寅吐

谷渾党項寇河州刺史盧士良敗之癸卯高開道以奚寇幽州長  
史王說敗之六月丁卯突厥寇朔州總管高滿政敗之曲赦朔州  
七月丙子沙州別駕竇伏明反殺其總管賀若懷廓己亥皇太子  
屯于北邊秦王世民屯于并州以備突厥八月壬子淮南道行臺  
左僕射輔公祏反乙丑趙郡王季恭討之九月壬辰秦王世民爲  
江州道行軍元帥丙申渝州人張大智反十月丙午殺資州都督  
劉世讓戊申降死罪流以下原之己未如華陰張大智降庚申獵  
於白鹿原壬戌右虞候率杜士遠殺高滿政以朔州反丁卯突厥  
請和十一月壬午張善安襲殺黃州總管周法明丁亥如華陰辛  
卯獵於沙苑丁酉獵於伏龍原十二月壬寅朔日有食之癸卯張  
善安降庚戌以奉義監爲龍躍宮武宮宅爲慶善宮甲寅至自華  
陰

七年正月庚寅鄆州人鄧同穎殺其刺史李士衡二月丁巳釋奠於國學己未漁陽部將張金樹殺高開道以降三月戊戌趙郡王季恭敗輔公祏執之己亥季恭殺越州都督闕後四月庚子大赦班新律令給復江州道二年揚越一年五月丙戌作仁智宮六月辛丑如仁智宮壬戌慶州都督楊文幹反七月己巳突厥寇朔州總管秦武通敗之癸酉慶州人殺楊文幹以降甲午至自仁智宮舊州地震山崩過江水閏月己未秦王世民齊王元吉屯于幽州以備突厥八月己巳吐谷渾寇鄯州驃騎將軍彭武傑死之戊寅突厥寇綏州刺史劉大俱敗之壬辰突厥請和丁酉裴寂使于突厥十月丁卯如慶善宮辛未獵于鄆南癸酉幸終南山丙子謁樓觀老子祠庚寅獵於圍川十二月丁卯如龍躍宮戊辰獵于高陵庚午至自高陵太子詹事裴矩檢校侍中

八年二月癸未慮囚四月甲申如鄆獵於甘谷作太和宮丙戌至自鄆六月甲子如太和宮七月丙午至自太和宮丁巳秦王世民屯於蒲州以備突厥八月壬申并州行軍總管張瑾及突厥戰于太谷敗績鄆州都督張德政死之執行軍長史溫彥博甲申任城郡王道宗及突厥戰於靈州敗之丁亥突厥請和十月辛巳如周氏陂獵于北原壬午如龍躍宮十一月辛卯如宜州獵于西原裴矩罷庚子講武於同官天策府司馬宇文士及權檢校侍中辛丑徙封元壽爲吳王元慶陳王癸卯秦王世民爲中書令齊王元吉爲侍中癸丑獵於華池北原十二月辛酉至自華池庚辰獵於鳴犢泉辛巳至自鳴犢泉

九年正月甲寅裴寂爲司空二月庚申齊王元吉爲司徒壬午有星孛於胃昴丁亥孛於卷舌三月庚寅幸昆明池習水戰壬辰至

自昆明池丙午如周氏陂乙卯至自周氏陂丁巳突厥寇涼州都督長樂郡王幼良敗之四月辛巳廢浮屠老子法六月丁巳太白經天庚申秦王世民殺皇太子建成齊王元吉大赦復浮屠老子法癸亥立秦王世民為皇太子聽政賜為父後者襲勳爵赤牒官得為真免民逋租宿賦巳卯太白晝見庚辰幽州都督盧江郡王瑗反伏誅癸未赦幽州管內為瑗所誑誤者七月辛卯楊恭仁罷太子右庶子高士廉為侍中左庶子房玄齡為中書令蕭瑀為尚書左僕射癸巳宇文士及為中書令封德彝為尚書左僕射辛亥太白晝見甲寅太白晝見八月丙辰突厥請和丁巳太白晝見壬戌吐谷渾請和甲子皇太子即皇帝位貞觀三年太上皇徙居大安宮九年五月崩於垂拱前殿年七十一諡曰太武廟號高祖上元元年改諡神堯皇帝天寶八載諡神堯大聖皇帝十三載增諡

神堯大聖大光孝皇帝

贊曰自古受命之君非有德不王自夏后氏以來始傳以世而有賢有不肖故其為世數亦或短或長論者乃謂周自后稷至於文武積功累仁其來也遠故其為世尤長然考於世本夏商周皆出於黃帝夏自鯀以前商自契至於成湯其間寂寥無聞與周之興異矣而漢亦起于亭長叛亡之徒及其興也有天下皆數百年而後已由是言之天命豈易知哉然考其終始治亂顧其功德有厚薄與其制度紀綱所以維持者如何而其後世或淺以隆昌或遽以壞亂或漸以陵遲或能振而復起或遂至於不可支持雖各因其勢然有德則興無德則絕豈非所謂天命者常不顯其符而俾有國者兢兢以自勉耶唐在周隋之際世雖貴矣然烏有所謂積功累仁之漸而高祖之興亦何異因時而特起者歟雖其有治有

不曰禪  
太子皇  
位者其  
贊也

亂或絕或微然其有天下年幾三百可謂盛哉豈非人厭隋亂而蒙德澤繼以太宗之治制度紀綱之法後世有以憑藉扶持而能永其天命歟

本紀第一終

魏川中圖章  
氏書印

唐書一

本紀第二

魏川中圖章  
氏書印

唐書二

太宗文武大聖大廣孝皇帝諱世民高祖次子也母曰太穆皇后竇氏生而不驚方四歲有書生謁高祖曰公在相法貴人也然必有貴子及見太宗曰龍鳳之姿天日之表其年幾冠必能濟世安民書生已辭去高祖懼其語泄使人追殺之而不知其所往因以為神乃採其語名之曰世民大業中突厥圍煬帝鴈門煬帝從圍中以木繫詔書投汾水而下募兵赴援太宗時年十六往應募隸將軍雲定興謂定興曰虜敢圍吾天子者以為無援故也今宜先後吾軍為數十里使其晝見旌旗夜聞鉦鼓以為大至則可不擊而走之不然知我虛實則勝敗未可知也定興從之軍至崞縣突厥候騎見其軍來不絕果馳告始畢可汗曰救兵大至矣遂引去高祖擊歷山飛陷其圍中太宗馳輕騎取之而出遂奮擊大破之

太宗爲人聰明英武有大志而能屈節下士。時天下已亂盜賊起。知隋必亡。乃推財養士。結納豪傑。長孫順德。劉弘基等。皆因事亡命。匿之。又與晉陽令劉文靜尤善。文靜坐李密事繫獄。太宗夜就獄中見之。與圖大事。時百姓避賊多入城。城中幾萬人。文靜爲令。久知其豪傑。因共部署。計已定。乃因裴寂告高祖。高祖初不許。已而許之。高祖已起兵。建大將軍府。太宗率兵徇西河。斬其郡丞高德儒。拜右領軍。大都督。封燉煌郡公。唐兵西將至霍邑。會天久雨。糧且盡。高祖謀欲還兵太原。太宗諫曰。義師爲天下起也。宜直入咸陽。號令天下。今還守一城。是爲賊爾。高祖不納。太宗哭于軍門。高祖驚召問之。對曰。還則衆散於前。而敵乘於後。死亡須臾。所以悲爾。高祖寤曰。起事者汝也。成敗惟汝。時左軍已先返。卽與隴西公建成分追之。夜半太宗失道入山谷。棄其馬步。而及其兵與俱。還高祖乃將而前。遲明至霍邑。宋老生不出。太宗從數騎傳其城。舉鞭指麾。若將圍之者。老生怒。出背城陣。高祖率建成居其東。太宗及柴紹居其南。老生兵薄東陣。建成墜馬。老生乘之。高祖軍却。太宗自南原馳下坂。分兵斷其軍爲二。而出其陣後。老生兵敗走。遂斬之。進次涇陽。擊胡賊劉鷓子。破之。唐兵攻長安。太宗屯金城。公食邑萬戶。薛舉攻扶風。太宗擊敗之。斬首萬餘級。遂略地至隴右。二年爲右元帥。徙封趙國公。率兵十萬攻東都。不克而還。設三伏于三王陵。敗隋將段達兵萬人。武德元年爲尚書令。右翊衛大將軍。進封秦王。薛舉寇涇州。太宗爲西討元帥。進位雍州牧。七月。太宗有疾。諸將爲舉所敗。八月。太宗疾間。復屯于高墪城。相持六十餘日。已而舉死。其子仁杲率其衆求戰。太宗按軍不動。久之。仁

先平仁果者  
地逼人驚恐  
為內顧憂也

隋末群雄中  
蒲山最有名  
世充挾幼主據  
中州形勝建德  
行仁慈得士  
衆心而武周  
通突厥為太  
原根本之患  
此四君為難  
制密降武周  
奔而後建德  
授首世充  
後惟黑闥  
縱暴不難除  
也看太宗削  
平次序真  
英武

果糧盡衆稍離叛太宗曰可矣乃遣行軍總管梁實柵淺水原仁  
果將宗羅睺擊實太宗遣將軍龐玉救實玉軍幾敗太宗率兵出  
其後羅睺敗走太宗追之至其城下仁果乃出降師還高祖遣李  
密馳傳勞之於豳州密見太宗不敢仰視退而歎曰真英主也獻  
捷太廟拜右武侯大將軍太尉使持節陝東道大行臺尚書令詔  
蒲陝河北諸總管兵皆受其節度二年正月鎮長春宮進拜左武  
候大將軍涼州總管是時劉武周據并州宋金剛陷滄州王行本  
據蒲州而夏縣人呂崇茂殺縣令以應武周高祖懼詔諸將棄河  
東以守關中太宗以為不可棄願得兵三萬可以破賊高祖於是  
悉發關中兵益之十一月出龍門關屯於柏壁三年四月擊敗宋  
金剛於柏壁金剛走介州太宗追之一日夜馳二百里宿於雀鼠  
谷之西原軍士皆饑太宗不食者二日行至浩州乃得食而金剛

將尉遲敬德尋相等皆來降劉武周懼奔於突厥其將楊伏念舉  
并州降高祖遣蕭瑀即軍中拜太宗益州道行臺尚書令七月討  
王世充敗之於北邙四年二月竇建德率兵十萬以援世充太宗  
敗建德於虎牢執之世充乃降六月凱旋太宗被金甲陳鐵騎一  
萬介士三萬前後鼓吹獻俘于太廟高祖以謂太宗功高古官號  
不足以稱乃加號天策上將領司徒陝東道大行臺尚書令位在  
王公上增邑戶至三萬賜袞冕金輅雙璧黃金六千斤前後鼓吹  
九部之樂班劍四十人五年正月討劉黑闥於洛州敗之黑闥既  
降已而復反高祖怒命太子建成取山東男子十五以上悉阮之  
毆其小弱婦女以實關中太宗切諫以為不可遂已加拜左右十  
二衛大將軍七年突厥寇邊太宗與遇于豳州從百騎與其可汗  
語乃盟而去八年進位中書令初高祖起太原非其本意而事出

隱刺諱未發  
則太宗之舉  
為無名史傳  
為尊者諱多  
又致其罪為  
文皇皇地耳  
始太宗至此  
如騎虎必隱  
子有泰伯之  
巢刺王維仲  
之蹟則可免  
此非尚時王  
魏非車尚未  
大體况庸愚  
者能脫網乎

太宗及取天下破宋金剛王世充竇建德等太宗功益高而高祖  
屢許以為太子太子建成懼廢與齊王元吉謀害太宗未發九年  
六月太宗以兵入玄武門太子建成及齊王元吉高祖大驚乃  
以太宗為皇太子八月甲子即皇帝位於東宮顯德殿遣裴寂告  
於南郊大赦武德流人還之賜文武官勳爵免關內及蒲芮虞秦  
陝鼎六州二歲租給復天下一年民八十以上賜粟帛百歲加版  
授廢潼關以東瀕河諸關癸酉放宮女三千餘人丙子立妃長孫  
氏為皇后癸未突厥寇便橋乙酉及突厥頡利盟于便橋九月壬  
子禁私家妖神淫祀占卜非龜易五兆者十月丙辰朔日有食之  
癸亥立中山郡王承乾為皇太子庚辰蕭瑀陳叔達罷十一月庚  
寅降宗室郡王非有功者爵為縣公十二月癸酉慮囚是歲進封  
子長沙郡王恪為漢王宜陽郡王祐楚王

貞觀元年正月乙酉改元辛丑燕郡王李藝反於涇州伏誅二月  
丁巳詔民男二十女十五以上無夫家者州縣以禮聘娶貧不能  
自行者鄉里富人及親戚資送之鰥夫六十寡婦五十婦人有子  
若守節者勿彊三月癸巳皇后親蠶丙午詔齊僕射崔季舒黃門  
侍郎郭遵尚書右丞封彥琰以極言蒙難季舒子剛遵子雲彥琰  
子君遵竝及淫刑宜免內侍褻敘以官閏月癸丑朔日有食之四  
月癸巳涼州都督長樂郡王幼良有罪伏誅五月癸丑敕中書令  
侍中朝堂受訟辭有陳事者悉上封六月辛丑封德彝薨甲辰太  
子少師蕭瑀為尚書左僕射是夏山東旱免今歲租七月壬子吏  
部尚書長孫無忌為尚書右僕射八月河南隴右邊州霜宇文士  
及檢校涼州都督戊戌貶高士廉為安州大都督九月庚戌朔日  
有食之辛酉遣使諸州行損田賑問下戶御史大夫杜淹檢校吏



部尚書參議朝政宇文士及罷辛未幽州都督王君廓奔于突厥  
十月丁酉以歲饑減膳十一月己未許子弟年十九以下隨父兄  
之官所十二月壬午蕭瑀罷戊申利州都督李孝常右武衛將軍  
劉德裕謀反伏誅

二年正月辛亥長孫無忌罷兵部尚書杜如晦檢校侍中總監東  
宮兵馬事癸丑吐谷渾寇岷州都督李道彥敗之丁巳徙封恪為  
蜀王秦越王祐燕王庚午刑部尚書李靖檢校中書令二月戊戌  
外官上考者給祿三月戊申朔日有食之壬子命中書門下五品  
以上及尚書議決死罪壬戌李靖為關內道行軍大總管以備薛  
延陀己巳遣使巡關內出金寶贖饑民鬻子者還之庚午以旱蝗  
責躬大赦癸酉雨四月己卯瘞隋人暴骸壬寅朔方人梁洛仁殺  
梁師都以降六月甲申詔出使官稟食其家庚寅以子治生賜是  
日生子者粟辛卯辰州刺史裴虔通以弑隋煬帝削爵流驩州七  
月戊申萊州刺史牛方裕絳州刺史薛世良廣州長史唐奉義虎  
牙郎將高元禮以宇文化及之黨皆除名徙于邊八月甲戌省冤  
獄於朝堂辛丑立二王後廟置國官九月壬子以有年賜酺三日  
十月庚辰杜淹薨戊子殺瀛州刺史盧祖尚十一月辛酉有事于  
南郊十二月壬辰黃門侍郎王珪守侍中癸巳禁五品以上過市  
日每正月丙午以早避正殿癸丑官得上下考者給祿一年戊午  
享于太廟癸亥耕藉田辛未裴寂罷二月戊寅房玄齡為尚書左  
僕射杜如晦為右僕射尚書右丞魏徵為祕書監參預朝政三月  
己酉慮囚四月乙亥太上皇徙居于大安宮甲午始御太極殿戊  
戌賜孝義之家粟五斛八十以上二斛九十以上三斛百歲加絹  
二匹婦人正月以來產子者粟一斛五月乙丑周王元方薨六月

戊寅以旱慮囚巳卯大風拔木壬午詔文武官言事八月巳巳朔日有食之丁亥李靖為定襄道行軍大總管以伐突厥九月丁巳華州刺史柴紹為勝州道行軍總管以伐突厥十一月庚申并州都督李世勣為通漠道行軍總管華州刺史柴紹為金河道行軍總管任城郡王道宗為大同道行軍總管幽州都督衛季節為恒安道行軍總管營州都督薛萬淑為暢武道行軍總管以伐突厥十二月癸未杜如晦罷閏月癸丑為死兵者立浮屠祠辛酉慮囚是歲中國人歸自塞外及開四夷為州縣者自二十餘萬人四年正月丁卯朔日有食之癸巳武德殿北院火二月巳亥幸溫湯甲辰李靖及突厥戰於陰山敗之丙午至自溫湯甲寅大赦賜酺五日御史大夫溫彥博為中書令王珪為侍中民部尚書戴胄檢校吏部尚書參豫朝政太常卿蕭瑀為御史大夫與宰臣參議

朝政丁巳以旱詔公卿言事三月甲午李靖俘突厥頡利可汗以獻四月戊戌西北君長請上號為天可汗六月乙卯發卒治洛陽宮七月甲子朔日有食之癸酉蕭瑀罷甲戌太上皇不豫廢朝辛卯疾愈賜都督刺史文武官及民年八十以上孝子表門閭者有差八月甲寅李靖為尚書右僕射九月庚午瘞長城南隋人暴骨巳卯如隴州壬午禁芻牧於古明君賢臣烈士之墓者十月壬辰赦歧隴二州免今歲租賦降咸陽始平武功死罪以下辛丑獵於貴泉谷甲辰獵于魚龍川獻獲于大安宮乙卯免武功今歲租賦十一月壬戌右衛大將軍侯君集為兵部尚書參議朝政甲子至自隴州戊寅除鞭背刑十二月甲辰獵於鹿苑乙巳至自鹿苑是歲天下斷死罪者二十九人

五年正月癸酉獵於昆明池丙子至自昆明池獻獲於大安宮二

月巳酉封弟元裕為鄒王元名譙王靈夔魏王元祥許王元曉密  
王庚戌封子情為梁王貞漢王暉鄒王治晉王慎申王囂江王簡  
代王四月壬辰代王簡薨五月乙丑以金帛購隋人沒于突厥者  
以還其家八月甲辰遣使高麗祭隋人戰亡者戊申殺大理丞張  
蘊古十一月丙子有事於南郊十二月丁亥詔決死刑京師五覆  
奏諸州三覆奏其日尚食毋進酒肉壬寅幸溫湯癸卯獵于驪山  
賜新豐高年帛戊申至自溫湯癸丑赦關內

六年正月乙卯朔日有食之癸酉靜州山獠反右武衛將軍李子  
和敗之三月侯君集罷戊辰如九成宮丁丑降雍岐豳三州死罪  
以下賜民八十以上粟帛五月魏徵檢校侍中六月巳亥鄴王元  
亨薨辛亥江王囂薨七月巳巳詔天下行鄉飲酒九月巳酉幸慶  
善宮十月侯君集起復乙卯至自慶善宮十二月辛未慮囚縱死

罪者歸其家是歲諸羌內屬者三十萬人

七年正月戊子斥宇文化及黨人之子孫勿齒辛丑賜京城酺三  
日二月丁卯雨土三月戊子王珪罷庚寅魏徵為侍中五月癸未  
如九成宮六月辛亥戴胄薨八月辛未東西洞獠寇邊右屯衛大  
將軍張士貴為龔州道行軍總管以討之九月縱囚來歸皆赦之  
十月庚申至自九成宮乙丑京師地震十一月壬辰開府儀同三  
司長孫無忌為司空十二月甲寅幸芙蓉園丙辰獵于少陵原戊  
午至自少陵原

八年正月辛丑張士貴及獠戰敗之壬寅遣使循省天下二月乙  
巳皇太子加元服丙午降死罪以下賜五品以上子為父後者爵  
一級民酺三日三月庚辰如九成宮五月辛未朔日有食之是夏  
吐谷渾寇涼州左驍衛大將軍段志玄為西海道行軍總管左驍

衛將軍樊興為赤水道行軍總管以伐之七月隴右山崩八月甲子有星孛於虛危十月作永安宮甲子至自九成宮十一月辛未李靖罷巳丑吐谷渾寇涼州執行人鴻臚丞趙德楷十二月辛丑特進李靖為西海道行軍大總管侯君集為曠石道行軍總管任城郡王道宗為鄯善道行軍總管膠東郡公道彥為赤水道行軍總管涼州都督李大亮為且末道行軍總管利州刺史高甌生為鹽澤道行軍總管以伐吐谷渾丁卯徙太上皇闕武於城西

九甲正月党項羌叛二月長孫無忌罷三月庚辰洮州羌殺刺史孔長秀附於吐谷渾壬午大赦乙酉高甌生及羌人戰敗之閏四月丙寅朔日有食之五月長孫無忌起復庚子太上皇崩皇太子聽政壬子李靖及吐谷渾戰敗之七月庚子鹽澤道行軍副總管劉德敏及羌人戰敗之十月庚寅葬太武皇帝於獻陵十一月壬

戊特進蕭瑀參豫朝政

十年正月甲午復聽政癸丑徙封元景為荆王元昌漢王元禮徐王元嘉韓王元則彭王元懿鄭王元軌霍王元鳳虢王元慶道王靈夔燕王恪吳王泰魏王祐齊王愔蜀王暉蔣王貞越王慎紀王三月癸丑出諸王為都督六月壬申溫彥博為尚書右僕射太常卿楊師道為侍中魏徵罷為特進知門下省事參議朝章國典巳卯皇后崩十一月庚寅葬文德皇后於昭陵十二月蕭瑀罷庚辰

慮囚

丁酉

十一年正月丁亥徙封元裕為鄧王元名舒王庚子作飛山宮乙卯免雍州今歲租賦二月丁巳營九嶷山為陵賜功臣密戚陪塋地及祕器甲子如洛陽宮乙丑給民百歲以上侍五人壬午獵於鹿臺嶺三月丙戌朔日有食之癸卯降洛州囚見徒免一歲租調

綱目於是  
年書武  
為才人

辛亥獵於廣成澤癸丑如洛陽宮六月甲寅溫彥博薨丁巳幸明  
德宮己未以諸王為世封刺史戊辰以功臣為世封刺史己巳徙  
封元祥為江王七月癸未大雨水穀洛溢乙未詔百官言事壬寅  
廢明德宮之玄圃院賜遭水家丙午給亳州老子廟兗州孔子廟  
戶各二十以奉享復涼武昭王近墓戶二十以守衛九月丁亥河  
溢壞陝州河北縣毀河陽中渾幸白司馬坂觀之賜瀕河遭水家  
粟帛十月癸丑賜先朝謀臣武將及親戚亡者瑩陪獻陵十一月  
辛卯如懷州乙未獵於濟源麥山丙午如洛陽宮

十二年正月乙未叢州地震癸卯松州地震二月癸亥如河北縣  
觀底柱甲子巫州獠反夔州都督齊善行敗之乙丑如陝州丁卯  
觀鹽池庚午如蒲州甲戌如長春宮免朝邑今歲租賦降囚罪乙  
亥獵於河濱閏月庚辰朔日有食之丙戌至自長春宮七月癸酉

吏部尚書高士廉為尚書右僕射八月壬寅吐蕃寇松州侯君集  
為當彌道行軍大總管率三總管兵以伐之九月辛亥濶水道行  
軍總管牛進達及吐蕃戰於松州敗之十月己卯獵於始平賜高  
年粟帛乙未至自始平鈞州山獠反桂州都督張寶德敗之十一  
月己巳明州山獠反交州都督李道彥敗之十二月辛巳壁州山  
獠反右武侯將軍上官懷仁討之是歲滁豪二州野蠶成繭

十三年正月乙巳拜獻陵赦三原及行從免縣人今歲租賦賜宿  
衛陵邑郎將三原令爵一級丁未至自獻陵二月庚子停世封刺  
史三月乙丑有星孛於畢昴四月戊寅如九成宮甲申中郎將阿  
史那結社率反伏誅壬寅雲陽石然五月甲寅以旱避正殿詔五  
品以上言事減膳罷役理囚賑乏乃雨六月丙申封弟元嬰為滕  
王八月辛未朔日有食之十月甲申至自九成宮十一月辛亥楊

師道爲中書令戊辰尚書左丞劉洎爲黃門侍郎參知政事十二月壬申侯君集爲交河道行軍大總管以伐高昌乙亥封子福爲趙王壬辰獵於咸陽癸巳至自咸陽是歲滁州野蠶成繭

十四年正月庚子有司讀時令甲寅幸魏王泰第赦雍州長安縣免延康里今歲租賦二月丁丑觀釋奠於國學赦大理萬年縣賜學官高第生帛壬午幸溫湯辛卯至自溫湯乙未求梁皇佛褚仲都周熊安生沈重陳沈文阿周弘正張譏隋何妥劉焯劉炫之後三月羅賓二州獠反廣州總管党仁弘敗之五月壬寅徙封靈夔爲魯王六月滁州野蠶成繭乙酉大風拔木八月庚午作襄城宮癸酉侯君集克高昌九月癸卯赦高昌部及士卒父子犯死禁犯流大功犯徒小功總麻犯杖皆原之閏十月乙未如同州甲辰獵於堯山庚戌至自同州十一月甲子有事于南郊十二月丁酉侯

君集時高昌王以獻賜酺三日癸卯獵於樊川乙巳至自樊川

十五年正月辛巳如洛陽宮次溫湯衛士崔卿刁文懿謀反伏誅三月戊辰如襄城宮四月辛卯詔以來歲二月有事於泰山乙未免洛州今歲租遷戶故給復者加給一年賜民八十以上物惇獨鰥寡疾病不能自存者米二斛慮囚六月巳酉有星孛于太微丙辰停封泰山避正殿減膳七月丙寅宥周隋名臣及忠烈子孫貞觀以後流配者十月辛卯獵於伊闕壬辰如洛陽宮十一月癸酉薛延陀寇邊兵部尚書李世勣爲朔州道行軍總管右衛大將軍李大亮爲靈州道行軍總管涼州都督李襲譽爲涼州道行軍總管以伐之十二月戊子至自洛陽宮庚子命三品以上嫡子事東宮辛丑慮囚甲辰李世勣及薛延陀戰於諾真水敗之乙巳贈戰亡將士官三轉

遷

唐自太宗在  
嫡皇嗣再廢  
復輟相繼  
至明皇而未  
改父子兄弟  
間無德之  
多未有如  
唐之甚者

十六年正月乙丑遣使安撫西州戊辰募戍西州者前犯流死亡  
匿聽自首以應募辛未徙天下死罪囚實西州中書舍人岑文本  
為中書侍郎專典機密六月戊戌太白晝見七月戊午長孫無忌  
為司徒房玄齡為司空十一月丙辰獵于武功壬戌獵於岐山之  
陽甲子賜所過六縣高年孤疾糴衾粟帛遂幸慶善宮庚午至自  
慶善宮十二月癸卯幸溫湯甲辰獵于驪山乙巳至自溫湯  
十七年正月戊辰魏徵薨代州都督劉蘭謀反伏誅二月己亥慮  
囚戊申圖功臣于凌烟閣三月壬子禁送終違令式者丙辰齊王  
祐反李世勣討之甲子以旱遣使覆囚決獄乙丑齊王祐伏誅給  
復齊州一年四月乙酉廢皇太子為庶人漢王元昌侯君集等伏  
誅丙戌立晉王治為皇太子大赦賜文武官及五品以上子為父  
後者爵一級民八十以上粟帛酺三日丁亥楊師道罷己丑特進

蕭瑀為太子太保李世勣為太子詹事同中書門下三品庚寅謝  
承乾之過於太廟癸巳降封魏王泰為東萊郡王六月己卯朔日  
有食之壬辰葬隋恭帝甲午以旱避正殿減膳詔京官五品以上  
言事丁酉高士廉同中書門下三品平章政事閏月丁巳詔皇太  
子典左右屯營兵丙子徙封泰為順陽郡王七月丁酉房玄齡罷  
八月庚戌工部尚書張亮為刑部尚書參豫朝政十月丁未建諸  
州邸于京城丁巳房玄齡起復十一月己卯有事於南郊壬午賜  
酺三日以涼州獲瑞石赦涼州十二月庚申幸溫湯庚午至自溫

湯  
甲辰

十八年正月乙未如鍾官城庚子如鄠壬寅幸溫湯二月己酉如  
零口乙卯至自零口丁巳給復突厥高昌部人隸諸州者二年四  
月辛亥如九成宮七月甲午營州都督張儉率幽營兵及契丹奚

隋亡之聲  
不遠後  
心幾蹈  
此亦太  
矣

以伐高麗八月壬子安西都護郭孝恪為西州道行軍總管以伐焉耆甲子至自九成宮丁卯劉洎為侍中岑文本為中書令中書侍郎馬周守中書令九月黃門侍郎褚遂良參豫朝政辛卯郭孝恪及焉耆戰敗之十月辛丑朔日有食之癸卯宴雍州父老于上林苑賜粟帛甲寅如洛陽宮巳巳獵于天池十一月戊寅慮囚庚辰遣使巡問鄭汝懷澤四州高年宴賜之甲午張亮為平壤道行軍大總管李世勣馬周為遼東道行軍大總管率十六總管兵以伐高麗十二月壬寅庶人承乾卒戊午李思摩部落叛

十九年二月庚戌如洛陽宮以伐高麗癸丑射虎于武德北山乙卯皇太子監國於定州丁巳賜所過高年鰥寡粟帛贈比于太師諡忠烈三月壬辰長孫無忌攝侍中吏部尚書楊師道攝中書令四月癸卯誓師于幽州大饗軍丁未岑文本薨癸亥李世勣克蓋

牟城五月巳巳平壤道行軍總管程名振克沙卑城庚午次遼澤瘞隋人戰亡者乙亥遼東道行軍總管張君乂有罪伏誅丁丑軍至馬首山甲申克遼東城六月丁酉克白巖城巳未大敗高麗於安市城東南山左武衛將軍王君愕死之辛酉賜酺三日七月壬申葬死事官加爵四級以一子襲九月癸未班師十月丙午次營州以太牢祭死事者丙辰皇太子迎謁於臨渝關戊午次漢武臺刻石紀功十一月癸酉大饗軍於幽州庚辰次易州癸未平壤道行軍總管張文幹有罪伏誅丙戌次定州丁亥貶楊師道為工部尚書十二月戊申次并州巳未薛延陀寇夏州左領軍大將軍執失思力敗之庚申殺劉洎

二十二年正月辛未夏州都督喬師望及薛延陀戰敗之丁丑遣使二十二人以六條黜陟於天下庚辰赦并州起義時編戶給復三



年後附者一年二月甲午從伐高麗無功者皆賜勳一轉庚申賜所過高年鰥寡粟三月巳巳至自高麗庚午不豫皇太子聽政巳丑張亮謀反伏誅閏月癸巳朔日有食之六月乙亥江夏郡王道宗李世勣伐薛延陀七月辛亥疾愈李世勣及薛延陀戰敗之八月甲子封孫忠為陳王巳巳如靈州庚辰次涇州賜高年鰥寡粟帛丙戌踰隴山關次瓦亭觀牧馬丁亥許陪陵者子孫從葬九月辛卯遣使巡察嶺南甲辰鐵勒諸部請上號為可汗辛亥靈州地震十月貶蕭瑀為商州刺史丙戌至自靈州十一月巳丑詔祭祀表疏藩客兵馬宿衛行魚契給驛授五品以上官及除解決死罪皆以擢餘委皇太子

牧馬明板作馬

丁丑皇太子釋菜於太學三月戊子左武衛大將軍牛進達為青丘道行軍大總管李世勣為遼東道行軍大總管率三總管兵以伐高麗四月乙丑作翠微宮五月戊子幸翠微宮壬辰命百司決事於皇太子庚戌李世勣克南蘇木底城六月丁丑遣使鐵勒諸部購中國人陷沒者七月乙未牛進達克石城丙申作玉華宮庚戌至自翠微宮八月泉州海溢壬戌停封泰山九月丁酉封子明為曹王十月癸丑褚遂良罷十一月癸卯進封泰為濮王十二月戊寅左驍衛大將軍契苾何力為崑丘道行軍大總管率三總管兵以伐龜茲

口十二年正月庚寅馬周薨戊戌幸溫湯巳亥中書舍人崔仁師為中書侍郎參知機務丙午左武衛大將軍薛萬徹為青丘道行軍大總管以伐高麗長孫無忌檢校中書令知尚書門下省事戊

申至自溫湯二月褚遂良起復乙卯見京城父老勞之蠲今歲半租畿縣三之一丁卯詔度遼水有功未酬勳而犯罪者與成官同乙亥幸玉華宮巳卯獵於華原流崔仁師於連州三月丁亥赦宜君給復縣人自玉華宮苑中遷者三年四月丁巳松州蠻叛右武侯將軍梁建方敗之六月丙寅張行成存問河北從軍者家令州縣爲營農丙子薛萬徹及高麗戰于泊灼城敗之七月甲申太白晝見壬辰殺華州刺史李君羨癸卯房玄齡薨八月巳酉朔日有食之辛未執失思力伐薛延陀餘部於金山九月庚辰崑丘道行軍總管阿史那社尔及薛延陀餘部處月處密戰敗之巳亥褚遂良爲中書令壬寅眉卬雅三州獠反茂州都督張士貴討之十月癸丑至自玉華宮巳巳阿史那社尔及龜茲戰敗之十二月辛未降長安萬年徒罪以下閏月癸巳慮囚

二十三年正月辛亥阿史那社尔俘龜茲王以獻三月巳未自冬旱至是雨辛酉大赦丁卯不豫命皇太子聽政於金液門四月巳亥幸翠微宮五月戊午貶李世勣爲疊州都督巳巳皇帝崩於含風殿年五十三庚午奉大行御馬輿還京師禮部尚書于志寧爲侍中太子少詹事張行成兼侍中高季輔兼中書令壬申發喪諡曰文上元元年改諡文武聖皇帝天寶八載諡文武大聖皇帝十三載增諡文武大聖大廣季皇帝

贊曰甚矣至治之君不世出也禹有天下傳十有六王而少康有中興之業湯有天下傳二十八王而其甚盛者號稱三宗武王有天下傳三十六王而成康之治與宣之功其餘無所稱焉雖詩書所載時有闕略然三代千有七百餘年傳七十餘君其卓然著見於後世者此六七君而已嗚呼可謂難得也唐有天下傳世二十

太宗失德莫大於弑兄逼父  
謂察小功而問齒決

其可稱者三君玄宗憲宗皆不克其終盛哉太宗之烈也其除隋之亂比迹湯武致治之美庶幾成康自古功德兼隆由漢以來未之有也至其牽於多愛復立浮圖好大喜功勤兵於遠此中材庸主之所常為然春秋之法常責備於賢者是以後世君子之欲成人之美者莫不歎息於斯焉

本紀第二終

蘇川屯鳳麟  
氏雷宿南甫

本紀第三

蘇川屯鳳麟  
氏雷宿南甫

唐書三

高宗天皇大聖大弘孝皇帝諱治字為善太宗第九子也母曰文德皇后長孫氏始封晉王貞觀七年遙領并州都督十七年太子承乾廢而魏王泰次當立亦以罪黜乃立子治為皇太子太宗嘗命皇太子遊觀習射太子辭以非所好願得奉至尊居膝下太宗大喜乃營寢殿側為別院使太子居之太宗每視朝皇太子嘗侍觀決庶政二十三年太宗有疾詔皇太子聽政於金液門四月從幸翠微宮太宗崩以羽檄發六府甲士四十衛皇太子入於京師六月甲戌即皇帝位於柩前大赦賜文武官勳一轉民八十以上粟帛給復雍州及比歲供軍所一年癸未長孫無忌為太尉癸巳檢校洛州刺史李勣為開府儀同三司參掌機密八月癸酉河東地震乙亥又震庚辰遣使存問河東給復二年賜壓死者人絹三

四十一  
板作

正庚寅葬文皇帝於昭陵九月甲寅荆王元景為司徒吳王恪為  
司空乙卯李勣為尚書左僕射同中書門下三品十一月乙丑晉  
州地震左翊衛郎將高侃伐突厥是冬無雪

永徽元年正月辛丑改元丙午立妃王氏為皇后張行成為侍中  
二月辛卯封~~王~~李孝為許王上金柅王素節雍王四月己巳晉州地  
震五月己未太白晝見六月高侃及突厥戰于金山敗之庚辰晉  
州地震詔五品以上言事七月辛酉以旱慮囚八月戊辰給五品  
以上解官充侍者半祿加賜帛庚午降死罪以下九月癸卯高侃  
俘突厥車鼻可汗以獻十月戊辰李勣罷左僕射十一月己未貶  
褚遂良為同州刺史十二月庚午琰州獠寇邊梓州都督謝萬歲  
死之

二年正月戊戌開義倉以賑民乙巳黃門侍郎宇文節中書侍郎

柳奭同中書門下三品乙卯瑤池都督阿史那賀魯叛四月乙丑  
命有司毋進肉食訖于五月七月丁未賀魯寇庭州左武衛大將  
軍梁建方右驍衛大將軍契苾何力為弓月道行軍總管以伐之  
八月己巳高季輔為侍中于志寧為尚書左僕射張行成為右僕  
射同中書門下三品己卯白水蠻寇邊左領軍將軍趙孝祖為郎  
州道行軍總管以伐之九月癸卯以同州苦泉牧地賜貧民十月  
辛卯晉州地震十一月辛酉有事于南郊癸酉禁進犬馬鷹鶻戊  
寅忻州地震甲申雨木冰是月竇州義州蠻寇邊桂州都督劉伯  
英敗之趙孝祖及白水蠻戰于羅仵候山敗之十二月乙未太白  
晝見壬子處月朱邪孤注殺招慰使單道惠叛附于賀魯是冬無  
雪

三年正月癸亥梁建方及處月戰於牢山敗之甲子以旱避正殿

減膳降囚罪徒以下原之巳巳褚遂良為吏部尚書同中書門下  
三品丙子享於太廟丁亥耕藉田三月辛巳雨土宇文節為侍中  
柳奭守中書令四月庚寅趙奉祖及白水蠻戰敗之甲午彭王元  
則薨是月兵部侍郎韓瑗為黃門侍郎同中書門下三品五月庚  
申求齊侍中崔季舒給事黃門侍郎裴澤隋儀同三司豆盧毓御  
史中丞游楚客子孫官之七月丁巳立陳王忠為皇太子大赦賜  
五品以上子為父後者勳一轉民酺三日九月丙辰求周司沐大  
夫裴融尚書左丞封奉琰子孫官之是月中書侍郎來濟同中書  
門下三品十二月癸巳濮王泰薨

四年二月甲申駙馬都尉房遺愛薛萬徹柴令武高陽巴陵公主  
謀反伏誅殺荆王元景吳王恪乙酉流宇文節於桂州戊子廢蜀  
王愔為庶人己亥徐王元禮為司徒李勣為司空四月壬寅以旱

慮囚遣使決天下獄減同中太僕馬粟詔文武官言事甲辰避正  
殿減膳六月巳丑太白晝見八月巳亥隕石於馮翊十有八九月  
壬戌張行成薨甲戌褚遂良為尚書右僕射十月庚子幸溫湯甲  
辰赦新豐乙巳至自溫湯戊申睦州女子陳碩真反婺州刺史崔  
義玄討之十一月庚戌陳碩真伏誅癸丑兵部尚書崔敦禮為侍  
中丁巳柳奭為中書令十二月庚子高季輔薨

五年正月丙寅以旱詔文武官朝集使言事三月戊午如萬年宮  
乙丑次鳳泉湯辛未赦岐州及所過徒罪以下六月癸亥柳奭罷  
丙寅河北大水遣使慮囚八月巳未詔免麟游岐陽今歲課役岐  
州及供頓縣半歲九月丁酉至自萬年宮十月癸卯築京師羅郭  
起觀於九門

六年正月壬申拜昭陵赦醴泉及行從免縣今歲租調陵所宿衛

進爵一級令丞加一階癸酉以少牢祭陪葬者甲戌至自昭陵庚寅封子弘爲代王賢潞王二月乙巳皇太子加元服降死罪以下賜酺三日五品以上爲父後者勳一轉乙丑營州都督程名振左衛中郎將蘇定方伐高麗五月壬午及高麗戰于貴端水敗之癸未左屯衛大將軍程知節爲蔥山道行軍大總管以伐賀魯壬辰韓瑗爲侍中來濟爲中書令七月乙酉崔敦禮爲中書令是月中書舍人李義府爲中書侍郎參知政事九月庚午貶褚遂良爲潭州都督乙酉洛水溢十月齊州黃河溢巳酉廢皇后爲庶人乙卯立宸妃武氏爲皇后丁巳大赦賜民八十以上粟帛十一月巳巳皇后見于太廟戊子停諸州貢珠癸巳詔禁吏酷法及爲隱名書者是冬皇后殺王庶人

顯慶元年正月辛未廢皇太子爲梁王立代王弘爲皇太子壬申

大赦改元賜五品以上子爲父後者勳一轉民酺三日八十以上粟帛丙戌禁胡人爲幻戲者甲午放宮人三月辛巳皇后親蠶丙戌戶部侍郎杜正倫爲黃門侍郎同中書門下三品四月壬寅詔五品以上老疾不以罪者同致仕壬子矩州人謝無零反伏誅七月癸未崔敦禮爲太子少師同中書門下三品八月丙申崔敦禮薨辛丑程知節及賀魯部歌邏祿處月戰於榆幕谷敗之九月庚辰括州海溢癸未程知節及賀魯戰于恒篤城敗之十一月乙丑以子顯生賜京官朝集使勳一轉自八月霜且雨至于是月是歲龜茲大將羯獵顛附于賀魯左屯衛大將軍楊胄伐之  
□<sub>年</sub>閏正月壬寅如洛陽宮庚戌右屯衛將軍蘇定方爲伊麗道行軍總管以伐賀魯二月癸亥降洛州囚罪徒以下原之免民一歲租調賜百歲以上瓊衾粟帛庚午封子顯爲周王壬申徙封素

節爲郇王三月戊申禁舅姑拜公主父母拜王妃癸丑李義府兼中書令五月丙申幸明德宮七月丁亥如洛陽宮八月丁卯貶韓瑗爲振州刺史來濟爲台州刺史辛未衛尉卿許敬宗爲侍中九月庚寅杜正倫兼中書令十一月戊戌如許州甲辰遣使慮所過州縣囚乙巳獵於淮南壬子講武於新鄭赦鄭州免一歲租賦賜八十以上粟帛其嘗事高祖任佐使者以名聞十二月乙卯如洛陽宮丁巳蘇定方敗賀魯於金牙山執之丁卯以洛陽宮爲東都日每正月戊申楊胄及龜茲羯獵顛戰於泥師城敗之二月甲戌至自東都戊寅慮囚六月壬子程名振及高麗戰于赤烽鎮敗之十一月乙酉貶杜正倫爲橫州刺史李義府普州刺史戊子許敬宗權檢校中書令甲午蘇定方荐賀魯以獻戊戌許敬宗爲中書令大理卿辛茂將兼侍中

四年三月壬午崑陵都護阿史那彌射及西突厥真珠其護戰於雙河敗之四月丙辰于志寧爲太子太師同中書門下三品乙丑黃門侍郎許圜師同中書門下三品戊辰流長孫無忌於黔州于志寧罷五月己卯許圜師爲中書侍郎同中書門下三品丙申兵部尚書任雅相度支尚書盧承慶參知政事戊戌殺涼州都督長史趙持滿七月己丑以旱避正殿壬辰慮囚八月壬子李義府爲吏部尚書同中書門下三品十月丙午皇太子加元服大赦賜五品以上子孫爲父祖後者勳一轉民酺三日閏月戊寅如東都皇太子監國辛巳詔所過供頓免今歲租賦之半賜民八十以上羶裘粟帛十一月丙午許圜師爲左散騎常侍檢校侍中戊午辛茂將薨癸亥賀魯部悉結闕俟斤都曼寇邊左驍衛大將軍蘇定方爲安撫大使以伐之盧承慶同中書門下三品

五年正月癸卯蘇定方俘都曼以獻甲子如并州己巳次長平賜  
父老布帛二月丙戌赦并州及所過州縣義旗初嘗任五品以上  
葬并州者祭之加佐命功臣食別封者子孫二階大將軍府僚佐  
存者一階民年八十以上版授刺史縣令賜酺三日甲午祠舊宅  
三月丙午皇后宴親族隣里於朝堂會命婦於內殿賜從官五品  
以上并州長史司馬勳一轉婦人八十以上版授郡君賜璫袞粟  
帛巴西講武於城西辛亥左武衛大將軍蘇定方爲神兵道行軍  
大總管新羅王金春秋爲嶠夷道行軍總管率三將軍及新羅兵  
以伐百濟四月癸巳如東都五月辛丑作八關宮戊辰定襄都督  
阿史德樞賓爲沙磧道行軍總管以伐契丹六月庚午朔日有食  
之七月乙巳廢梁王忠爲庶人丁卯盧承慶罷八月庚辰蘇定方  
及百濟戰敗之壬午左武衛大將軍鄭仁泰及悉結拔也固僕骨  
同羅戰敗之癸未赦神兵道大總管以下軍士及其家賜民酺三  
日十一月戊戌蘇定方俘百濟王以獻甲寅如許州十二月辛未  
獵於安樂川己卯如東都壬午左驍衛大將軍契苾何力爲沮江  
道行軍大總管蘇定方爲遼東道行軍大總管左驍衛將軍劉伯  
英爲平壤道行軍大總管以伐高麗阿史德樞賓及奚契丹戰敗  
之

辛酉

龍朔元年正月戊午鴻臚卿蕭嗣業爲扶餘道行軍總管以伐高  
麗二月乙未改元赦洛州四月庚辰任雅相爲沮江道行軍總管  
契苾何力爲遼東道行軍總管蘇定方爲平壤道行軍總管蕭嗣  
業爲扶餘道行軍總管右驍衛將軍程名振爲鏤方道行軍總管  
左驍衛將軍龐孝泰爲沃沮道行軍總管率三十五軍以伐高麗  
甲午晦日有食之六月辛巳太白經天八月甲戌蘇定方及高麗



戰於涇江敗之九月癸卯及皇后幸李勣許圍師第壬子徙封賢  
為沛王十月丁卯獵於陸渾戊辰獵於非山癸酉如東都鄭仁泰  
為鐵勒道行軍大總管蕭嗣業為仙萼道行軍大總管左驍衛大  
將軍阿史那忠為長岑道行軍大總管以伐鐵勒

二月甲子大易官名甲戌任雅相薨戊寅龐參泰及高麗戰

於蛇水死之三月庚寅鄭仁泰及鐵勒戰於天水敗之乙巳如河

北縣辛亥如蒲州癸丑如同州四月庚申至自同州辛巳作蓬萊

宮六月癸亥禁宗戚獻纂組雕鏤七月戊子以子旭輪生滿月大

赦賜酺三日右威衛將軍孫仁師為熊津道行軍總管以伐百濟

戊戌李義府罷八月壬寅許敬宗為太子少師同東西臺三品九

月丁丑李義府起復十月丁酉幸溫湯皇太子監國丁未至自溫

湯庚戌西臺侍郎上官儀同東西臺三品十一月辛未貶許圍師

為虔州刺史癸酉封子旭輪為殷王是歲右衛將軍蘇海政為颶

海道行軍總管以伐龜茲海政殺崑陵都督阿史那彌射

三年正月乙丑李義府為右相二月減百官一月俸賦雍同等十

五州民錢以作蓬萊宮巳亥殺駙馬都尉韋正矩庚戌慮囚四月

戊子流李義府于嶺州五月壬午柳州蠻叛冀州都督長史劉伯

英以嶺南兵伐之六月吐蕃攻吐谷渾涼州都督鄭仁泰為青海

道行軍大總管以救之八月癸卯有彗星出於左攝提戊申詔百

僚言事遣按察大使於十道九月戊午孫仁師及百濟戰于白江

敗之十月辛巳詔皇太子五日至光順門監諸司奏事小事決

之十二月甲戌雨木冰十二月庚子改明年為麟德元年降京師

雍州諸縣死罪以下壬寅安西都護高賢為行軍總管以伐弓月

麟德元年二月戊子如福昌宮癸卯如萬年宮四月壬午道王元

慶薨五月戊申許王季薨丙寅以旱避正殿七月丁未詔以三年正月有事於泰山八月己卯幸舊第降萬年縣死罪以下壬午至自萬年宮丁亥司列太常伯劉祥道兼右相大司憲竇德玄爲司元太常伯檢校左相十二月丙戌殺上官儀戊子殺庶人忠劉祥道罷太子右中護樂彥瑋西臺侍郎孫處約同知軍國政事是冬無雪

口年二月壬午如東都三月甲寅司戎太常伯姜恪同東西臺三品戊午遣使慮京都諸司及雍洛二州囚閏月癸酉日有食之是春疎勒弓月吐蕃攻于闐西州都督崔智辯左武衛將軍曹繼叔救之四月丙午赦桂廣黔三都督府丙寅講武于邙山之陽戊辰左侍極陸敦信檢校右相孫處約樂彥瑋罷七月己丑鄧王元裕薨十月壬戌帶方州刺史劉仁軌爲大司憲兼知政事丁卯如泰

### 山大有年

乾封元年正月戊辰封於泰山庚午禪於社首以皇后爲亞獻壬申大赦改元賜文武官階勳爵民年八十以上版授下州刺史司馬縣令婦人郡縣君七十以上至八十賜古爵一級民酺七日女子百戶牛酒免所過今年租賦給復齊州一年半兗州二年辛卯幸曲阜祠孔子贈太師二月己未如亳州祠老子追號太上玄元皇帝縣人宗姓給復一年四月甲辰至自亳州庚戌陸敦信罷六月壬寅高麗泉男生請內附右驍衛大將軍契苾何力爲遼東安撫大使率兵援之左金吾衛將軍龐同善營州都督高侃爲遼東道行軍總管左武衛將軍薛仁貴左監門衛將軍李謹行爲後援七月乙丑徙封旭輪爲豫王庚午劉仁軌兼右相八月辛丑竇德玄薨丁未殺始州刺史武惟良淄州刺史武懷運九月龐同善及

高麗戰敗之十二月己酉李勣為遼東道行臺大總管率六總管兵以伐高麗

二年正月丁丑以旱避正殿減膳慮囚二月丁酉涪陵郡王惛薨辛丑禁工商乘馬六月乙卯西臺侍郎楊武戴至德東臺侍郎李安期司烈少常伯趙仁本同東西臺三品東臺舍人張文瓘參知政事七月己卯以旱避正殿減膳遣使慮囚八月己丑朔日有食之辛亥李安期罷九月庚申以餌藥皇太子監國辛未李勣及高麗戰于新城敗之是歲嶺南洞獠陷瓊州

總章元年正月壬子劉仁軌為遼東道副大總管兼安撫大使沮江道行軍總管二月丁巳皇太子釋奠于國學戊寅如九成宮壬午李勣敗高麗克扶餘南蘇木底蒼巖城三月庚寅大赦改元四月乙卯贈顏回太子少師曾參太子少保丙辰有彗星出于五車

避正殿減膳撤樂詔內外官言事庚申以太原元從西府功臣為二等第一功後官無五品者授其子若孫一人有至四品五品者加二階有三品以上加爵三等第二功後官無五品者授其子若孫從六品一人有至五品者加一階六品者二階三品以上爵一等辛巳楊武薨八月癸酉至自九成宮九月癸巳李勣敗高麗王高藏執之十二月丁巳俘高藏以獻丁卯有事于南郊甲戌姜恪檢校左相司平太常伯闕立本守右相

二年二月辛酉右肅機李敬玄為西臺侍郎張文瓘為東臺侍郎同東西臺三品三月丙戌東臺侍郎赫處俊同東西臺三品癸巳皇后親蠶四月己酉如九成宮六月戊申朔日有食之七月癸巳左衛大將軍契苾何力為烏海道行軍大總管以援吐谷渾九月庚寅括州海溢壬寅如岐州乙巳赦岐州賜高年粟帛十月丁巳

至自岐州十一月丁亥徙封旭輪爲冀王改名輪十二月戊申李勣薨是冬無雪

咸亨元年正月丁丑劉仁軌罷二月戊申慮囚丁巳東南有聲若雷三月甲戌大赦改元壬辰許敬宗罷四月癸卯吐蕃陷龜茲撥換城廢安西四鎮已酉李敬玄罷辛亥右威衛大將軍薛仁貴爲邏娑道行軍大總管以伐吐蕃庚午如九成宮雍州大雨雹高麗酋長鎬牟岑叛寇邊左監門衛大將軍高備爲東州道行軍總管右領軍衛大將軍李謹行爲燕山道行軍總管以伐之六月壬寅朔日有食之七月甲戌以雍華蒲同四州旱遣使慮囚減中御諸廩馬戊子李敬玄起復薛仁貴及吐蕃戰于大非川敗績八月庚戌以穀貴禁酒丁巳至自九成宮甲子趙王福薨丙寅以旱避正殿減膳九月丁丑給復雍華同岐邠隴六州一年閏月癸卯皇后以

早請避位甲寅姜恪爲涼州道行軍大總管以伐吐蕃十月庚辰

詔文武官言事乙未趙仁本罷十二月庚寅復官名是歲大饑

二年正月乙巳如東都皇太子監國二月辛未遣使存問諸州四

月戊子大風雨雹六月癸巳以旱慮囚九月地震丙申徐王元禮

薨十月丙子求明禮樂之士十一月甲午朔日有食之庚戌如許

州遣使存問所過疾老鰥寡慮囚十二月癸酉獵于昆陽丙戌如

東都是歲姜恪爲侍中閣立本爲中書令

三年正月辛丑姚州蠻寇邊太子右衛副率梁積壽爲姚州道行

軍總管以伐之二月己卯姜恪薨四月壬申校旗于洛水之陰九

月癸卯徙封賢爲雍王十月己未皇太子監國十一月戊子朔日

有食之甲辰至自東都十二月金紫光祿大夫致仕劉仁軌爲太

子左庶子同中書門下三品

四年正月丙辰鄭王元懿薨四月丙子如九成宮閏五月丁卯禁  
作塞捕魚管圈取獸者八月辛丑以不豫詔皇太子聽諸司啓事  
已酉大風落太廟鴟尾十月壬午閣立本薨乙未以皇太子納妃  
赦岐州賜酺三日乙巳至自九成宮

正元元年二月壬午劉仁軌為雞林道行軍大總管以伐新羅三  
月辛亥朔日有食之巳巳皇后親蠶八月壬辰皇帝稱天皇皇后  
稱天后追尊六代祖宣簡公為宣皇帝妣張氏曰宣莊皇后五代  
祖懿王為光皇帝妣賈氏曰光懿皇后增高祖太宗及后諡大赦  
改元賜酺三日十一月丙午如東都已酉獵于華山曲武原十二  
月癸未蔣王暉自殺

二年正月巳未給復雍同華岐隴五州一年辛未吐蕃請和二月  
劉仁軌及新羅戰于七重城收之三月丁巳天后親蠶四月辛巳

天后殺周王顯妃趙氏丙戌以旱避正殿減膳撤樂詔百官言事  
巳亥天后殺皇太子五月戊申追號皇太子為孝敬皇帝六月戊  
寅立雍王賢為皇太子大赦七月辛亥杞王上金免官削封邑八  
月庚寅葬孝敬皇帝于恭陵丁酉詔婦人為宮官者歲一見其親  
庚子張文瓘為侍中郝處俊為中書令劉仁軌為尚書左僕射戴  
至德為右僕射十月庚辰雍州雨雹壬午有彗星出于角亢  
儀鳳元年正月壬戌徙封輪為相王丁卯納州獠寇邊二月丁亥  
如汝州溫湯遣使慮免汝州輕繫三月癸卯黃門侍郎來恒中書  
侍郎薛元超同中書門下三品甲辰如東都免汝州今歲半租賜  
民八十以上帛閏月巳巳吐蕃寇鄯廓河芳四州左監門衛中郎  
將令狐智通伐之乙酉周王顯為洮河道行軍元帥領左衛大將  
軍劉審禮等十二總管相王輪為涼州道行軍元帥領契苾何力

等軍以伐吐蕃四月戊申至自東都甲寅中書侍郎李義琰同中書門下三品戊午如九成宮六月癸亥黃門侍郎高智周同中書門下三品七月丁亥有彗星出于東井乙未吐蕃寇疊州八月庚子避正殿減膳撤樂損食粟馬慮囚詔文武官言事甲子停南北中尚梨園作坊減少府雜匠是月青州海溢十月乙未至自九成宮丙午降封郇王素節鄱陽郡王十一月壬申大赦改元庚寅李敬玄為中書令十二月戊午來恒薛元起為河南河北道大使

二年正月乙亥耕藉田庚辰京師地震四月太子左庶子張大安鎮守使十月壬辰徙封顯為英王更名哲十二月乙卯募關內河東猛士以伐吐蕃是歲西突厥及吐蕃寇安西冬無雪

三年正月丙子李敬玄為洮河道行軍大總管以伐吐蕃癸未遣使募河南河北猛士以伐吐蕃四月丁亥以旱避正殿慮囚戊申大赦改明年為通乾元年癸丑涇州民生子異體連心五月壬戌如九成宮大雨霖九月辛酉至自九成宮癸亥張文瓘薨丙寅李敬玄劉審禮及吐蕃戰于青海敗績審禮死之十月丙申停劍南隴右歲貢丙午密王元曉薨閏十一月丙申雨木冰壬子來恒薨十二月癸丑罷通乾號

調露元年正月戊子如東都庚戌戴至德薨四月辛酉郝處俊為侍中五月丙戌皇太子監國戊戌作紫桂宮六月辛亥大赦改元吏部侍郎裴行儉伐西突厥九月壬午行儉敗西突厥執其可汗都支十月突厥溫傳奉職二部寇邊單于大都護府長史蕭嗣業伐之十一月戊寅高智周罷甲辰禮部尚書裴行儉為定襄道行軍大總管以伐突厥

永隆元年二月癸丑如汝州溫湯丁巳如少室山乙丑如東都三月裴行儉及突厥戰于黑山敗之四月乙丑如紫桂宮戊辰黃門侍郎裴炎崔知溫中書侍郎王德真同中書門下三品五月丁酉太白經天七月巳卯吐蕃寇河源辛巳李敬玄及吐蕃戰于湟川敗績左武衛將軍黑齒常之爲河源軍經略大使丙申江王元祥薨突厥寇雲州都督竇懷哲敗之八月丁未如東都丁巳貶李敬玄爲衡州刺史甲子廢皇太子乙丑立英王哲爲皇太子大赦改元賜酺三日巳巳貶張大安爲普州刺史九月甲申王德真罷十月壬寅降封曹王明爲零陵郡王戊辰至自東都十一月壬申朔日有食之

開耀元年正月乙亥突厥寇原慶二州辛巳賜京官九品以上酺三日癸巳裴行儉爲定襄道行軍大總管以伐突厥巳亥減殿中

太僕馬省諸方貢獻免雍岐華同四州二歲租河南河北一年調

二月丙午皇太子釋奠于國學三月辛卯郝處俊罷五月乙酉常

州人劉龍子謀反伏誅丙戌定襄道副總管曹懷舜及突厥戰于

橫水敗績巳丑黑齒常之及吐蕃戰于良非川敗之六月壬子永

嘉郡王暉有罪伏誅七月巳丑以太平公主下嫁赦京師甲午劉

仁軌罷左僕射閏月丁未裴炎爲侍中崔知溫薛元超守中書令

庚戌以餌藥皇太子監國庚申裴行儉及突厥戰敗之八月丁卯

以河南河北大水遣使賑乏絕室廬壞者給復一年溺死者贈物

人三段九月丙申有彗星出于天市壬戌裴行儉俘突厥溫傳可

汗阿史那伏念以獻乙丑改元赦定襄軍及諸道緣征官吏兵募

十月丙寅朔日有食之十一月癸卯徙庶人賢于巴州

永淳元年二月癸未以孫重照生滿月大赦改元賜酺三日是月

突厥車薄咽麴寇邊三月戊午立重照為皇太孫四月甲子朔日  
有食之丙寅如東都皇太子監國辛未裴行儉為金牙道行軍大  
總管率三總管兵以伐突厥安西副都護王方翼及車薄咽麴戰  
于熱海敗之丁亥黃門侍郎郭待舉兵部侍郎岑長倩祕書員外  
少監郭正一吏部侍郎魏玄同與中書門下同承受進止平章事  
五月乙卯洛水溢六月甲子突厥骨咄祿寇邊嵐州刺史王德茂  
死之是月大蝗人相食七月作萬泉宮己亥作奉天宮庚申零陵  
郡王明自殺九月吐蕃寇柘州驍衛郎將李季逸伐之十月甲子  
京師地震丙寅黃門侍郎劉齊賢同中書門下平章事

弘道元年正月甲午幸奉天宮二月庚午突厥寇定州刺史霍王  
元軌敗之三月庚寅突厥寇單于都護府司馬張行師死之庚子  
李義琰罷丙午有彗星出于五車癸丑崔知溫薨四月己未如東

師字明  
板作師字

都壬申郭待舉郭正一同中書門下平章事甲申綏州部落稽白  
鐵余寇邊右武衛將軍程務挺敗之五月乙巳突厥寇蔚州刺史  
李思儉死之七月甲辰徙封輪為豫王改名旦薛元超罷八月乙  
丑皇太子朝于東都皇太孫留守京師丁卯滹沱溢己巳河溢壞  
河陽城九月己丑以太平公主子生赦東都十月癸亥幸奉天宮  
十一月戊戌右武衛將軍程務挺為單于道安撫大使以伐突厥  
辛丑皇太子監國丁未如東都戊申裴炎劉齊賢郭正一兼于東  
宮平章事十二月丁巳改元大赦是夕皇帝崩于貞觀殿年五十  
六諡曰天皇大帝天寶八載改諡天皇大聖皇帝十三載增諡天  
皇大聖大弘孝皇帝

己丑  
作乙丑

贊曰小雅曰赫赫宗周褒姒滅之此周幽王之詩也是時幽王雖  
亡而太子宜臼立是為平王而詩人乃言滅之者以為文武之業



于是蕩盡東周雖在不能復興矣其曰滅者甚疾之之辭也武氏之亂唐之宗室戕殺殆盡其賢士大夫不免者十八九以太宗之治其遺德餘烈在人者未遠而幾于遂絕其爲惡豈一褒姒之比耶以太宗之明昧于知子廢立之際不能自決卒用昏童高宗溺愛衽席不戒履霜之漸而毒流天下貽禍邦家嗚呼父子夫婦之間可謂難哉可不慎哉

本紀第三

終

西川世圖  
氏圖印

唐書三

